

關書




		九	漢
		〇	書
		七	門
		三	
		三	
		號	
		類	
四	一	〇	
冊	架	函	

庫	文	閣	內
九	九	〇	漢
函	四	七	書
一	一	三	
架	冊	號	

內閣文庫	
番號	漢 9073
冊數	40 (27)
函號	292 86

九十一
九十三

廿七







閩書卷之九十一

英薈志

縉紳

泉州府

同安縣二



皇朝科第

舉人

進士

子午卯酉屬舉人辰戌丑未屬進士

洪武初科

陳顯

沈章

林剛中

舊志不載科年

二十年庚午

李容

二十四年辛未

李容

二十六年癸酉

陳隆

王中

陳福山

二十七年甲戌

王中

陳福山

二十九年丙子 黃昇 白興 洪宗立

建文元年巳卯 甄貫

四年壬子 謝隆 康賢 歐陽隆祖

永樂二年乙酉 黃同 陳文驥

六年戊子 林挺 陳顯宗 劉時道 張孝綱

葉賜 應天 中式

九年辛卯 葉賜

十二年甲午 張守庸 白尚德 張衡

十三年乙未 張守庸

十五年丁酉 徐榮 蔡昭 薛陽生

十六年戊戌 白尚德

十八年庚子 李賢祐 李讓

二十一年癸卯 李珰

二十二年甲辰 李賢祐

宣德十年乙卯 陳性同

正統六年辛酉 葉普亮

十二年丁卯 呂大宜 經魁應天 中式

十三年戊辰 葉普亮

景泰元年庚午 黃觀

四年癸酉 林玘 陳琳

天順元年丁丑 黃觀

成化十年甲午 周源

十四年戊戌 周源

十九年癸卯 洪敏 張定順天中武

二十二年丙午 林啓解元

弘治三年庚戌 張定

五年壬子 葉蕩 陳興仁

八年乙卯 呂川 林馥順天中武

十一年戊午 陳華玖

十四年辛酉 張宜定從弟順天中武

十七年甲子 李煌

正德二年丁卯 王綱 吳蘊

五年庚午 黃泰 蕭冠王 黃偉泰從弟儒士

八年癸酉 陳回 周英 黃良弼儒士

九年甲戌 黃偉 林馥

十一年丙子 謝崑 林希元儒士

十二年丁丑 林希元

十四年巳卯 陳健

嘉靖元年壬午 王佐

四年乙酉 楊逢春

五年丙戌 陳健

七年戊子 劉汝楠解元 許福 傅鎮福清學 蘇瀾

宋魏公 紳裔孫 吳德范 張明 張文錄宜族 陳温健族

八年己丑 謝崑 楊逢春

十年辛卯 許大來福族 蔡宗德 王臣 黃源偉族

許以明大來族 呂文緯 許贊大來族

十一年壬辰 傅鎮 劉汝楠

十三年甲午 林可祿

十四年乙未 許福

十六年丁酉 洪朝選 蔡士達 林大梁 劉

存德 謝復春 盧天祐

十七年戊戌 劉存德

十九年庚子 王庭槐 楊師顏 李春芳 王

時拱儒士 許廷用大來族以許州學正河南中式

二十年辛丑 洪朝選 許廷用

二十二年癸卯 王三接 洪桐 蔡煥宗德族以崑山

訓導應天中式

二十五年丙午 莊獻

二十八年己酉 陳道基 陳思誠 楊汝蕃

林叢槐 李惠賓

二十九年庚戌 李春芳 王三接 陳道基

三十一年壬子 李一陽

三十二年癸丑 李一陽

三十五年丙辰 林叢槐

三十七年戊午 洪邦光 李文簡 郭夢得

四十年辛酉 蕭復陽 陳應鑾 洪鳴陽 張

鳳徵 宜從 侄孫

四十一年壬戌 郭夢得

四十三年甲子 池浴德 莊有臨 陳榮祖 健孫

蔡貴易 宗德子

四十四年乙丑 張鳳徵 蕭復陽 池浴德

隆慶元年丁卯 李獻可 林一雉 改名 材 李明忠

葉明元 儒士

二年戊辰 洪邦光 李文簡 葉明元 莊有

臨 蔡貴易

四年庚午 林竒石 鮮元 郭傳芳 改名 喬登 葉日炳 莊

量 柯一蘭 改名 日森 蔡掄魁

五年辛未 林一材

萬曆元年癸酉 黃文炳 府學 郭日烜 杜方偉

四年丙子 薛應辰 陳榮選 健孫 順天中武

五年丁丑 黃文炳

七年巳卯 蔡用明 張錫 張廷相 王道顯

三接

十年壬午 張日益鳳徵從弟 胡明佐府學 楊喬椿 陳

一經長泰學

十一年癸未 李獻可 王道顯

十三年乙酉 蔡守愚貴易族 李璣 陳廷樑漳浦學

蔡懋賢

十四年丙戌 蔡守愚 李璣

十六年戊子 蔡獻臣貴易子弟二名 柯鳳翔弟四名 趙維

潘龍溪學 張繼桂鳳徵子龍溪學 呂大楠 陳基虞健族孫

蔣孟育龍溪學 劉夢松存德子 鄭階陞改名

十七年巳丑 蔡懋賢 蔡獻臣 郭日烜 柯

鳳翔 蔣孟育 陳基虞

十九年辛卯 陳士蘭弟二名 陳則采 洪日觀

趙仕隆 王紹曾

二十年壬辰 胡明佐

二十二年甲午 張懋華改名懋弟四名龍溪學 蔡復一用

子 劉聘亮 蔡洪暉原名洪 蔡有麟守愚族 許光

卿大來孫 李時輝 林應翔選貢順天中式

二十三年乙未 蔡復一會試第七名 劉夢松 林應

翎 張繼桂

二十五年丁酉 張廷拱 柯恬日森子 呂震夏

許獬 陳台衡 邵應禎長泰學 洪覲改名覲光 順天中式

朝選

二十六年戊戌 邵應禎

二十八年庚子 梁日暉 林憲卿 陳沃心

李懋觀 陳士銓健會孫 周爾發 劉行義漳浦學

洪纖若

二十九年辛丑 許獬會試第一 陳士蘭 張廷拱

三十一年癸卯 蔡鍾有 李雍明忠侄 林道推

吳必達 池顯充浴德侄 許晏

三十二年甲辰 洪纖若 鄭陞

三十四年丙午 蘇國翰宋魏公裔 張朝綱繼柱族 蔣芳

鏞 周家椿英孫 林一柱 陳士英 歐燁平海學

三十五年丁未 蔣芳鏞

三十七年巳酉 林駿言改宗載 王廷蓋福州府學 康汝

韞 池顯京浴德子順天中式 黃鏘順天中式 曾忠

三十八年庚戌 周家椿 林一柱 周爾發

劉行義 洪覲光

四十年壬子 劉夢潮 存德子弟 二名府學 陳大廷 林鈺

張煒 蘇寅賓 葉成章 莊誥 呂天昇

陳如松 順天中式

四十一年癸丑 陳沃心

四十三年乙卯 王彥顯 徐錦 黃仲曄 劉

顯閣 陳昌文 林烱 一材子 漳州府學

四十四年丙辰 林鈺 及第第 三人 張朝綱 張煒

林宗載 林道推

四十六年戊午 陳以焜 府學 陳瑞 陳文瑞 李

光斗 董文衡 林志遠 張若綱 陳士心

四十七年己未 葉成章 劉夢潮 康爾韞

蘇寅賓

有傳

彭用乾 陳福山 黃廣 林賢生 周源

林啓 丁華 葉蕩 黃偉 林希元

王佐 張俊 陳健 孫榮選 吳德范

謝崐 楊逢春 蔡宗德 子貴易 族子守

愚 傅鎮 黃傑 盧天祐 子日益

洪朝選 陳道基 王三接 張應星

洪受 洪邦光 李文簡 池浴德 葉明元

黃文炳

蔡用明

子復一

楊喬椿

李獻可

劉夢松

蔣孟育

林應翔

張繼桂

許獬

蔡鍾有

彭用乾會心正學耕讀教授洪武十四年用孝第力田薦授臨朐丞復除光息調徐聞有惠政擢知其縣清苦不以家累自隨卒官其甥火化歸葬焉

陳福山洪武中令零陵奏蠲無徵稅千石餘永樂丙戌較文東廣丁亥徵入纂修大典後改江山縣訓導陞瀧水教諭

黃廣字文溥建文壬午以貢入太學知德慶州興學

較均徭賦招逃亡減鹽鈔雖強梗徭人亦來聽撫家居為本邑奏除荒田歲賦五百餘石鄉人德焉

林賢生字朝垣永樂十八年舉賢良方正授程鄉知縣縣諶曰林公如虎軍民安堵歸結廬斗仰巖與友人葉文勘窮孔釋號隱松叟

周源字子源家貧立節知石埭縣有大菴出鎮楚過其縣舍人子入縣有所求索源執杖欲奏之菴更為杖舍人子乃解入為兵部車駕司主事官汪直被密旨襲按朝紳篋至源錢數十而已繇是名震京師陞本司員外郎尋轉郎中調武選一月三遷蓋獎廉

也以病卒櫬歸不能葬憲副邵莊行部爲之葬哭以詩有有身全白壁無地坎黃腸之句

林啓字仰之魁梧軒奕不欲一事居人後介而容方而不腐與蔡文莊相次發解而並以易學倡鄉人爲安陸州學正遂以易教安陸人尊卑遐邇聞有仰之名遷國子監博士及門如趨遷南國子監丞吏部侍郎楊守陟攝祭酒當請京或請他攝楊曰仰之在毋須六舍生群請之吏部爲宜遂攝祭酒卒于官倉卒無一金六館師生爭致祿僉都御史林俊以所自預深衣方履殮之嘉靖中有孫曰天德者以貢歷蘆州

推官路南知州廉人祀之名宦

丁華成化丙戌貢士授封川知縣剛毅果斷省節浮冗九年考滿民請當道再任三年乃去

葉蕩字仕堯父錄以貢仕感恩知縣蕩令餘干不數月令行禁止無敢壅惠澤者有監司倨視諸令至蕩改容禮之以艱歸服除新興令

黃偉字孟偉少貧嘗就府小吏爲小史一日曰非丈夫也題解壁棄去習經書年二十三領正德庚午鄉薦自歛未學不赴春官更受業陳紫峰琛之門甲戌成進士授南刑部主事所治獄情法旣得執不可奪

暇則讀道南四先生書以自勵嘉靖初應詔陳九事
論敬德必親賢儒遠近習論輔弼必任老成去軟熟
論節用必自裁減貢獻始論剝民巨蠹必革鎮守他
如選臺諫重守令養人材明職掌正體統皆切中治
體出守南雄明禮教去淫祠罷不給之徵禁晝遊之
女見上司長揖而已南雄商賈之湊郡有橋稅毫無
所取按察使檄民夫爲舁蘇木署其牌還之巡撫欲
丈田加稅屢執不從甫三月疏歸老稚遮留不得以
薦起改知松江府時張文忠孚敬當國霍文敏韜偉
同年也造謂曰兄向者應詔疏語嘗及張公某私爲
解張公亦自知兄矣宜一謁之偉曰昨出墮馬今方
病足未能也即投牒歸家居食貧日惟養親講學正
家化鄉丁艱三載足絕卧內晨興率諸子展拜家廟
諸子或晏起斥跪庭中須拜畢乃去冠婚喪祭盡革
舊俗鄉人顧化不敢爲不義時與田父野老班荆隴
畝間過者莫知爲貴人也臺察李元陽行部謂諸生
曰諸生莫道誦法孔子且但學黃先生丁酉戊戌歲
大饑元陽請偉尸賑事偉旦暮區畫必欲無一人遺
無一刻滯無斗金濫及竟以劇瘁卒

林希元字茂貞登進士授南大理評事

世廟

登極上新政八要有君道急務六曰務正學曰親正
人曰用舊臣曰清言路曰急交脩曰持久大有朝廷
大政二曰息內臣機務曰罷內臣鎮守時周祐以進
士辦事通政司言臣近接送題奏章疏紛紜無如希
元所陳乞留神省覽
上嘉納之其後十三省

鎮守內臣悉罷

世廟中興美政希元啓之也

遷寺正與其堂官陳琳執議刑獄降泗州判泗大饑
朝廷發內帑賑濟希元悉心推行有嘯聚九百人單
車往諭皆解散適巡按御史醉而待希元稍倨希元
即棄官歸故嘗是張桂大禮議而不以騰章奏歸後

方獻夫霍韜尋薦起爲寺副陞廣東按察僉事掌鹽
屯二政條奏最切近者列爲四款復以所行泗州荒
政爲荒政叢言上之
上可其奏以通行天下

未幾改提督學校申明勅諭卧碑學政三編以教士
劇寇王畿作亂剽掠廣惠二府時巡撫守巡並缺希
元署按察篆督率府衛兵指授方畧即時討平蒙白
金之賜陪推南大理寺丞
世廟特簡用之上

王政疏爲目二十有一曰守令曰農桑曰賦役曰蓄
積曰場稅曰恤窮曰教化曰選舉曰學校曰師儒曰
關邪曰止淫曰平刑曰詳讞曰兵政曰將才曰邊患

曰財用曰屯田曰藩祿曰用人蒲三載改比嘉靖十二年大同軍叛殺王帥閉城門希元上疏請誅之以正國法而廟議竟從撫定居一年遼東兵又告變窘辱都御史呂經希元言往者大同之變朝廷過爲姑息以故悍卒咸生輕侮一有觸發攘臂而動夫都御史天子重臣庸隸下卒敢施囚縛是無朝廷也近聞差去旗尉亦復被繫狂悖視大同尤甚本兵大臣因循不振致其益驕而朝廷威令益削此不忠之大者疏入上責希元妄言奏擾且以旗尉被繫守臣何隱不言者詰錦衣驗狀錦衣衛指揮王

佐支吾對

上怒希元狂率欺罔令降外任遂

謫知欽州欽接壤安南地荒民寡民俗雜夷城廓官舍半鞠墟莽希元悉心經畫至忘食寢會

上

有征安南之命希元熟究其國中虛實強弱人情向背慨然以興復

祖宗已棄疆土爲已責前後

六上疏而奉命大臣爲國家圖安靖第受其納款請罪而希元說不行然斯凜古森了葛金勒四峒地故屬欽州久爲夷據竟以希元故納還陞廣東按察僉事分巡海北兼管兵備珠池海北天涯地軍民疲困珠盜橫行希元立條教嚴法禁甫及一年疲困頓蘇

珠盜屏跡竟坐安南用兵事以拾遺罷官希元讀書遲鈍而苦刻殊至研理釋文極其精專束髮以來慨然志當世一入仕途執其所學用之經濟直以唐虞三代爲必可追

太祖開天治國之謨爲必可循其書疏縷縷真爲上愛其君下念其民而不知君相一時有未易以舊章泥者其欲恢復安南張襄惠岳絕與相知至以李恢趙括擬之而希元退居之後猶上書

世廟以曩遭知遇追訟無罪至其平居好古信道讀書沉篤晚參訂諸儒所定大學格物致知之說附以己見曰更正大學經傳定本并所著

四書易經二存疑復上之朝且乞勅改正頒行學官以是造士科舉以是命題尋奉旨削籍爲民然至今存疑二書學者尊尚不廢而希元迂直相半正苟未兼亦論世而知其人焉

王佐字子才初知睢州值河決竭方捍禦擢高州同知南戶部員外郎中以持議忤大司農出爲兩淮運同爲人剛介家甚清白屏居年八十三矣睢人請於督學祀之名宦不知其尚在適移文至令徐待贈之詩曰白頭如越世赤子未忘慈百畝家無羨千秋食有餘亦竟以其年卒

張俊正德年以歲貢授徐州訓導持守清潔誨人有方徐士頌之

陳健字時乾知南安府政務寬簡與民休息修南安志南安人稱其總挈綿邈持議弘遠後再知南寧孫榮選

榮選字克舉祖健南寧知府兄榮祖永安知縣德慶州知州永安人祀之名宦榮選歷知劍儋二州陞廣州府同知家世故饒重義喜施其居官益喜爲廉以礦稅事起棄官歸有四書旨義禮經集註道德南華經註釋

吳德范初名潛與父蘊俱以毛詩起家兩同計偕後罷公車歸父已即世匱中忽有污水流出德范慟哭舐食之授西安知縣家人有憂貧者報書惓惓道作吏之難不欲乘之以貪污而勸其謝絕外事杜跡縣庭竟以翫麟得調歸

謝崑字鐘璞正德丙子舉於鄉以親老乞學職得金華訓導嘉靖己丑成進士歷知溧陽成安二縣擢南戶部主事監鈔北新關轉南兵部職方員外郎未任卒崑溫厚質實財利不入于心所仕二邑咸著惠愛比關監稅錙銖不染歷官十餘年未脫寒酸遇匱乏

弗恤惟賦詩讀書其卒也當道助賻始克蓋棺同人稱廉頑君子也

楊逢春字仁甫授仁和令丁外艱服除崑山崑山稱富縣令不自潤則已其於獻遺權力不敢裁罷每諸大戶領京運行則令寄書起居諸京貴其儀物皆大戶爲辦治兼金純纁惟令之所命逢春裁罷一不顧擢南御史崑山人以與前令楊子器並稱在南臺諸郡邑餽候盡絕曰是故令崑山罷獻遺者也出爲廣東按察僉事備兵嶺南徭獍作賊者發輒得野聚荒村至開戶睡丁內艱服除四川都掌蠻叛爲撫按議

守禦策撫按曰非公莫辦以委之逢春分兵進勦復計蠻素以撫徃我莫若因而誘之陽撫其四鄉第以勦二鄉爲名其所用耳目最廣遂得四鄉魁傑四十人以來盡殲之兵入有功俘斬以千計擢河南布政叅議雲南按察副使卒於叅議之官舍逢春侃侃負意氣治官直前任職巧者目爲愚在崑山邑有相當國子弟僮奴暴里中輒逮治之相欲祀其父鄉賢邑論有異同力持焉爲御史值東宮備官僚時相引置私人物論大譁逢春首彈之世宗爲易置所引用時相氣大沮以此出爲僉事在嶺南韶

守倚相爲奸利總制撫臣不敢問逢春白發之撫臣
搖手逢春日坐視民患某心不安也撫臣內惡其言
而奪於逢春之法守竟不免其任職爲愚多此類矣
蔡宗德字懋修通判廣州活漳泉之通番船者百餘
人有甲盜葬乙地乙遷其棺他所甲以棄棺訟宗德
佯不聽第約日令乙遷而棺果還故處又有弟亾僅
一遺腹兒兄利其產謀一夫婦冒爲己子復謀一人
證之宗德訊佯怒令棄兒於水弟婦哀慟求免冒子
者略不動乃責諭其兄薄分以弟業丁艱復除台州
調梧州卒子貴易

貴易字邇通又字道生授江都令丁內艱服除補崇
德復包角堰以捍海潮計擒含山巨盜楊雷潘榜解
散其餘黨以南禮部郎出知寧波遷貴州按察副使
歷布政叅政晉浙江按察使浙士民喜故寧波守也
吳興董學士范司成被邑人群訟起獄貴易曰是其
居鄉不靖固也夫乃朝廷文學之臣一切安靜鎮之
一時撫按方以搏擊爲風裁知貴易不爲動則徑下
之道若府已董學士家盡破范司成投繯死事聞
上震怒當事者咸獲重譴人始服貴易持重
守愚起家南曹郎仕至四川左布政使調建昌道以

安靜治建昌蠻夷帖服致仕歸而無以爲家工詩其詩爽而有致

煥以選貢歷臨安知府居官清恬處鄉和睦

傅鎮字國鼎舉進士授南御史鎮守中官潘真奸賊不法彈治之以省毋歸出補北御史歲辛丑虜大掠三晉以西總督樊繼祖弟與諸將帥堅壁自衛而後先報首功至五百餘級鎮疏言繼祖目不見虜妄稱戰功繼祖坐褫職武定侯郭勛獄事下錦衣孫綱推問綱受侯賂跡絳何英等以脫侯罪有旨御史覆治鎮獨坐勛及綱勛交私當就吏餘皆分別寬貸之出

按雲南會毋卒服闋補職命巡真定又巡山東妖人謝漢商大常作亂擒獲黨與甚衆鎮論殺首惡餘三十人悉放免之入署河南道掌計事分宜相嵩欲黜按察使一人鎮不從憾之出爲雲南按察副使轉廣西布政叅政浙江布政使湖廣左布政使南右副都御史提督操江尋病卒鎮美風神嚴舉止望之如圖刻其爲南御史時人目爲傅虎及憲副河南有治河羨金二千餘悉封識之庫中指其金曰傅真金從鎮名亦庶鎮也鎮卒萬曆中賜祭葬

黃傑字一貞嘉靖乙未貢士歷西安麻城訓導海康

教諭伊府濟源王教授致仕所至多有可紀而在麻城尤著其始至謂諸生曰吾初授官不寢竟夕念官名訓導豈漫也哉訓字從言從川朝廷欲吾與諸生言善相勵也導字從首從之從寸欲吾首躬行示所之尺寸莫踰越也諸生聞之知傑欲舉其官矣傑多聞善談論對諸生竟日無一庸俗語時以鄉先哲蔡文莊清張襄惠岳林大理希元諸長者爲諸生誦之凡其行事不自點污亦不爲崖異外不急促而內默喻人於道既轉海康諸生祖送塞路傑留衣一襲爲代者別以示傳衣之意其後代者亦勉効傑麻士賢之歸居橙山之麓自號忍江學者稱忍江先生

盧天祐字以順令永豐當嘉靖之季時分宜當國賄賂熾行直指行部率多訪惡人罰金具賂索永豐天祐弟應曰無有縣故無城賊寇雲擾廣兵袁彬等千餘人應召殺賊反搶掠爲亂縱橫閩浙間天祐刊木欄石塞蹊隧蔽關隘分兵防守有捕得通賊者立斬之廣兵至聞其清德竟不爲害會當入覲直指以邑遭殘破奏請丞代丞居下考中道遁去銓部以此連天祐坐失官爲令七月耳永豐人祠祀之

洪朝選字舜臣

一作汝尹

舉進士除戶部主事權稅杭州

北關抽貨筭緡歲課之額盈便開通津梁恣往來不復問事竣督放倉儲諸有規畫皆爲後式念仕學未優上疏引疾就唐荆川順之王遵巖慎中學起爲南吏部郎出督學四川以公嚴校士不爲分宜相所喜而徐文貞階深與之分宜敗遂以山西叅政召入爲太僕少卿尋進僉都御史提督操江旋加副都御史巡撫山東上言臣少讀書見孔子富庶之論孟子樹藝稼穡之言未嘗不諄諄也其在成周則田官之於農民至嘗其饋食之旨否遡而及於上古則豳公於民至導以耕獲之時月而田畯之官實昉於此西漢以來此風未替勸課農桑勸農勞農之吏班班不絕至於教民種幾本殫幾本葱幾本榆亦登之傳中以徵循吏之政此無他人道惟在衣食衣食足則禮義生不足則閑闕踰越此民生切要之務也臣觀山東地方北鞏京畿南引江淮東控遼左西連宋鄭中原一要地也而舉日盈望寥寥斷烟黃茅白葦焦崖赤岸車轍所過十邑而九問其人逃亡也問其地不耕也問其俗則緣南畝者無幾而鑄山煮海打洞採礦馳馬試劍充牣東西也夫親民有郡郡有守郡以下有縣縣有令從而問以富庶之職茫然也朝而視事

夕而課功月而視成歲而徵會不過急賦歛聽獄訟
治文書謹期會而已有招流亡墾荒地者乎有巡阡
陌教樹藝者乎宜乎東民流而不復東地棄而不耕
也欲庶民必求庶之之本欲富民必求富之之方山
東之驅民而逃者里甲也均徭也驛傳也是三者人
視之如湯火也使守令克知其職設誠加意里甲節
也均徭平也驛傳輕省也則雖驅民使逃亦不肯也
民不逃而地耕矣夫守令皆莫不知而皆莫之肯爲
也彼見凡爲守令者但能急賦歛明聽斷治文書謹
期會職盡矣臣愚欲乞 勅下該部申明職事令其

專一加意養民流亡逃移必責之招徠荒蕪汚萊必
責之開墾而所以招徠開墾必責之節里甲平徭役
輕驛傳以爲之本聽臣別爲三等以定舉劾庶民
富民而又有吏才幹局者爲上雖無吏才幹局而能
招徠民開墾荒蕪者次之雖有少才偏能而不能招
徠流民開墾荒蕪者爲下庶乎守令克知其職黽勉
從事而古循吏之風亦見今日其他議驛遞防河患
具爲東人久賴計入爲刑部侍郎尋轉左一篆部署
伸直臣沈鍊儒臣閻樸寬而正巡撫楊順於理遼王
憲儼者居國中荒淫亡度其摧折士類無纓綬貴顯

江陵相者其祖父故爲遼府營戶相父嘗被王杖相
心恨之相揀政宦楚中諸公逢相意上王諸不法事
甚之曰謀爲叛國可除也相借朝議欲除王國以勘
事委朝選朝選還報命王貪暴淫虐事事有之顧實
未嘗叛凡各王爲叛者皆王與其梨園子弟戲令其
作王侯狀而輒命封之曰某侯某侯而府中人時嘗
亦侯名之此寧真叛耶相意大拂嗾言者劾朝選歸
錮王高墻竟除遼國朝選出都門忿忿見言面相聞
已啣之抵家愈狷激自持不能俯仰有司里閭不平
事輒張目諍遂與里中子爲難里中子者宦家子也

以訟之朝又時時摸捏朝選手板刺守令短長言之
當道諸公朝選不知也會有勞堪者起家蜀校文與
朝選不相投來爲閩左轄以支餉搭新鑄錢失軍士
心督撫耿公定向慮有脫巾呼移檄止之語微侵堪
朝選時以講學赴耿招堪疑朝選實中之耿憂去堪
遂代耿奏記謝相頗及被中朝選狀相報書閩人驕
悍非公霹靂手不足治之堪得相書謂相心不忘朝
選索里中子所與爲朝選構難狀以疏聞朝選坐落
職待訊堪復入語謂朝選精遁甲且亡入海走外夷
秘部檄不以聞所司令一守戎以請文爲辭謁朝選

舍朝選延之坐邑令遣健足偕戎卒圍舍三匝朝選送守戎出守戎呼群卒抱朝選露縛肩輿上飛擁行夜抵泉郡置警舖中郡守尚禮以縉紳比見堪密檄遂囚首械赴省未抵省城二十里爲南臺南臺去海而近堪尚慮其逸入海列卒道傍護之入既至禁臬司獄中臬副使譚啓者朝選校蜀士也饋之壺滄令驛宰供寢具堪聞杖宰戒吏毋輒納譚副使譚曰吾師乎吾師乎拂衣行堪遂以擅離官守劾譚譚爲坐禡職朝選在獄中寢食俱廢僮僕親屬莫得一跡獄卒囊沙壓之朝選處尚謂其向在蜀中得有回生藥

停屍三日晉江士趙日榮排獄門而入撫屍大慟收殮之萬曆壬午春也堪下興化守某偕諸司理煨煉獄誣以通夷接濟諸事報上上相大喜擢堪左副都御史協理院事朝選子兢訟寃于朝相矯旨杖之八十仍奪蔭其夏相暴卒朝紳稍稍誦朝選寃都諫李廷儀更條上寃狀部議堪回籍奪職繼之甲申歲兢再訟父寃及堪諸酷虐狀南安人黃御史師顏從中從吏方有旨下堪部獄僅謫戍定海而里中子亦戍邊矣未幾詔復朝選官致仕兢補蔭如故一時阿堪意鍛獄相繼竄逐士論稍伸猶以堪戍未盡辜宜止之

典刑以謝朝選忤時宰寘不問也

陳道基字以中嘉靖中舉進士授嘉善令潔約治辦
選入爲御史巡按廣西復按廣東柘林兵叛流劫會
省城門盡閉商民數千萬委堞下道基嚴兵陳郊坐
城郭納入之擢太僕少卿尋移南鴻臚卿有陰中之
政府者出爲四川副使遷廣西叅政浙江按察使久
之超拜南京都察院右僉都御史提督操江卽歲改
應天巡撫先是巡撫應天者爲海忠介瑞忠介以直
節名天下顧其爲政闇大體裁抑豪右驕稚小民吳
中大姓被小民持長短無寧枕席道基下令諸告密

株連者悉寘勿問於是吳中大姓翕然欣附新鄭相
故修怨於徐文貞道基曩爲鴻臚卿被陰中得外謫
實文貞在政府意此時道基當快意於文貞而已亦
因以釋憾道基乃事文貞益恭御史吳某觀望詆道
基候勘歸萬曆丁丑復巡撫順天閱部伍除戎器江
陵相以歸葬故往返長安道諸督撫悉至境迂勞道
基獨臨邊自如一年遷南大理卿進南戶部侍郎總
督糧儲尋以工部左侍郎召入督

永

昭二陵竣工遷南刑部尚書有孝廉與序班闕都市
前司寇奏當得旨矣吳歛二相力爲地道基持之不

爲動言官復摘道基短再疏乞歸道基庶直長厚所
至著名迹而不爲詭辭激論旣爲列卿謁鄉先達遂
巡隅坐及接後進必引與爲敵知交通門餽贈精腆
要令必受而報謝則不敢當布衿纁帷蕭然寒素時
時談祿命堪輿得竒中以爲快卒年七十五 賜祭
葬

王三接字允康未冠領鄉薦登進士授南戶部主事
簿書稍暇輒與同志講學分司鳳陽調度軍食力剔
乾沒積蠹羨緡千計悉封送之郡帑復權北新關征緡
求足額而已建安李肅愍家孥過關擅開關門三接
追爾窘其奚奴肅愍因此益重之會倭寇軼三江都
都戴巖改職方協司郎中擢守韶州洗留獄雪無辜
閱宿牘察下情旋病卒年三十二漬甚歎曰某生平
不敢爲不善有志天下事今已矣

張應星字子翼兄墳以貢仕平陰教諭應星自幼開
敏喜讀書從晉江史公于光邑先輩林希元學盡契
所蘊蓄嘉靖戊午以貢授會昌訓導揭白鹿洞規教
士督學使者徐以德行求士諸廣文入試分授片帑
令書無德行之尤者應星獨不書學使怪問之曰諸
生性質不齊然皆可自改苛求之恐累終身學使大

喜因試以世變江河詩應星賦末章曰厥行伊何行
已有耻有耻云何不殖不邇顏生四勿聖門要旨學
使曰張廣文自謂耳轉清江教諭道卒子日益

日益令靈壁始至下寬恤之令興利除弊務殫其猷
時河工興作動派里夫民苦額外之征十室九竄日
益申文臺司第用帑金招募或願赴役者如數復其
身上司急催役日益具靈壁饑窮狀請寬之以賦不
及格轉王官老幼泣送之爲立去思碑歸而貧甚所
論著充然而有文詞

洪受潛心力學於經傳多所發明在庠教授稱大師
所著有易經從正錄滄海紀十卷嘉靖乙丑以貢歷
國子助教夔州通判卒于官

洪邦光字世龍父居正有學行以貢士司訓武進邦
光沉靜簡默竭蹶爲民開便利初守無爲州民因賦
役流移者數邦光履畝均田作平賦書又作小學以
訓愚蒙擢同知雲南府時太宰嚴公清里居熟其治
狀遂奏爲其郡守秩滿憲副貴州經略都清諸苗宣
示威信於是樂平者牙九股等叛苗各奉約束久之
擢叅藩政尋擢按察使備兵川東有土司跋扈督府
將兵之邦光至其境與勘處皆感泣聽命棄官歸養

未幾卒

李文簡字志可知滁州擢貳肇慶入為南戶部郎卒
官文簡退然不勝而冲和恬雅臺使薦牘有貌古如
僧署清若寺之語

池浴德字

令遂昌聽斷明決民號一升池其追

徵詳揭人戶賦役額數帖於縣旁四壁如期比追有
遲久不完者詰問里正曰欠者何戶郎召之來使完
納有宦家則持刺好語之析揚不試賦額完足其他
為德於民豐蔀周遍召入為吏部遂昌人更迭昇送
之衢界曳挽之遂立亭其下曰曳舟亭太常少卿終

官

葉明元字可明孝友喜讀書舉進士授石埭令時政
尚嚴明元獨寬易為理遷南刑部郎有百戶者江陵
相鄉人道殺人主者欲庇之明元竟抵法出守南安
設約要吏巡行勸課嚴禁溺女敝俗郡有道源書院
為江陵相所廢奏復之遷貴州按察副使諸苗恬亂
潛畫方略逆酋相次受縛因為改衛建浚河徙民諸
綱繆甚具遷廣西叅政卒

黃文炳字懋新善書能詩任東陽知縣為民履畝以
免賠累擢南戶部權淮陽關關陳紫峰琛舊所權處

也文炳至署其堂曰仰止其行政皆師之擢守平樂
開賓興修郡志獐獐子弟擇其通文字者束以青衿
皆瞿然向化擢雲南副使署督學事礦使鄭某虐焰
殃及諸生意欲主司詰治以謝之文炳不可遂矯誣
論劾先後列二狀獨蒙 溫旨且 詔礦使無生事
時稍忤中使者輒被逮繫 恩宥自文炳始遷陝西
叅政卒

蔡用明字晦仲性篤孝母蚤卒事父甚謹兄弟五人
推衣食無間乞恩大田教諭丁父艱服除得長泰歛
士人豪舉之氣範諸禮法陞樂至知縣縣有採木之
役大木所產皆邊夷爨道岡壑箐崖絕人跡去治所
數千里故事給官鏹募民役先是多相冒規免展轉
株累文民苦先出募錢事竣竟不得官給徃徃破家
用明下車見耆老人給小方令疏注鄉之巨戶各以
所臆疾書毋得交語既上為叅稽糧冊閱其丁賦之
上下比證甲牌覆其屢居之多寡然後榜示占役者
姓名於縣門丁弱賦強則賦其金募人不任者許自
訴而蠲其實者而扶其誣服與妄求免者乃更為立
補助之條定番休之規信給領之令徃役者官護其
家禁奸民毋乘出造獄擾之木分三運以十之六為

及格用明最後乃蒲十採木已邑中旱疫相繼用明
籍其勤撫紆歲之虐遷淮府審理未行又有征播之
役大發民夫餽餉用明猶精心爲之部署行伍相補
勦戒以緩急相扞如其初至調度採木時督木使者
過縣民言令治狀涕泣祈留軹不得發子復一

復一字敬夫弱冠聯登甲科筮仕刑部郎連丁艱謁
補武庫主司出爲湖廣叅政分道荆岳湖北兵變移
按察使首惡就縛疆事大定時方有事貴州黔撫議
剿之復一獨言撫黔撫不聽坐罷免久之起鎮易州
值東虜奴酋發難慨然杖劍誓以首賀及黔中安酋

爲亂攻城屠衆殺一都御史死一進士

朝廷用

復一爲兵部侍郎賜劍尚方節制五省復一入黔未
幾上首虜八千餘級酋畏不敢渡河其後攜巢之役
施兵先逃不克成功復罷免移境上侯代尚日夜治
軍書調兵食精神耗廢隣於死者猶事事理會不休
輟坐卒軍中卒後按臣先後言復一忠勤勞瘁之功

朝廷不待禮部覆請賜謚清憲復一學博才高
下筆千言無工四六他諸著作皆崇論鉉議涵古茹
今至書牘奏議之文慷慨談天下事切劘豪貴披吐
肝膽而詩則出入漢魏唐宋間居然一代名作無子

不年人皆惜之憶天啓初予在京師自易州貽予書
曰 宮事則客乳媪與魏闡相表裏 朝

事則牛李構鬪疆事則經撫矛盾而戰守無穩着此
不肖之三憂也淮南憚汲黯江左有夷吾將誰望之
後皆如其言矣

楊喬椿孝友謹厚令東流擢守平度州潔白清淨卒
官蕭然予嘗經海上過喬椿之里人指其下曰是里
有君子焉

李獻可字克俞授武昌府推官疏滯釋紛雪抑塗穴
臬椽有犯法者臬長爲緩頰不得也故江陵相獄起
當事者爭刺死虎爲名獻可念故相自取戾其老母
弱稚奚辜應坐者籍之而曲宥二三罪孥相姻黨會
尚書坐受寄沒贓累鉅萬先是追贓者窮搜之益肆
株連臺以屬獻可獻可婉諭曾曰此應籍尚方物也
度終能免哉緩之則累有司急之且累公也請寬爲
期而公自急之曾如言婉轉畢輸事竣率其子若僕
詣謝曰非公悉逃首鞭笞矣徵入爲戶科給事申值

上第潞王之國疏論謨訓宜遵左右宜選疆
理宜正僕御宜戢在途無以擾困民在國無以縱敗

禮疏入

皇太后大怒言

上速譴之

上心知其論謹越日

上讌宮中疏自袖

陸囑近侍曰此戶科李某疏勿失也南兵部侍郎王世貞疏請先師廟復用天子禮樂而於哲廡之祀有所訂定獻可言祭用生者之爵國學天子釋奠及遣官行禮宜侑八籩豆十二至郡國主祭者人臣也仍若侯禮便十哲之祀則有若南宮适可進而冉求宰予不必降兩廡之祀則范仲淹可登而歐陽修不必黜世貞亦心服其言他諸上疏皆鑿鑿中窾轉吏科右給事中刑科左給事中主山西試時王文端家屏為閣臣山西人也閱賢書抵掌為桑梓得人轉禮科

都給事中拜官甫三日疏請

皇長子出閣講

學時

皇太子之立

上意已定而特厭

諸臣之請若必意自

上出者獻可言冊立猶

或可需講學不可不亟我朝

列聖最稱

宣孝二廟二聖講學皆以九歲

皇上聖德

神功遠邁前古亦惟冲年踐祚講學最勤今

皇長子年十有一歲矣去古人始學已踰其二而

聖心眷愛輒以氣體尚弱為解臣謂不慮其弱而養之難正當及其弱而教之易官掖之中宦寺之輩非無知書直道如先朝覃吉之儔可以託之保護

終不如講幄之臣為重而保傳之責尤專尤望

陛下妙選孝悌博聞道術之士以充輔導之選疏

入 上曰是以諭教嘗我者特旨謫外文端力

申揀封還內降至于再三 上怒甚并怒文端

無人臣禮遂削獻可籍同時科臣鍾羽正張棟等十

人皆坐罷而文端亦去位居家十餘年卒當獻可拜

官禮科時適與予並馬長安市語予曰尸素多矣何

可報 上恩居三日而疏上而觸 上怒

罷為民

劉夢松字

父存德仕廣東副使善大書工古文

詞病革作自輓詩有易簪從教華且晚布衿止辨正

和斜之句夢松趣尚恬潔歷官知台州江西按察副

使致仕

蔣孟育舉進士入館補庶吉士以終養歸親終補官

歷南吏部侍郎孟育古心謙德無貴態為吏部時其

子履決不能補相視咲曰吾父子何貧也

林應翔知永嘉縣歲苦疫春夏尤甚骨肉周親相弃

也應翔為申收恤之誼以南戶部郎出守汝寧汝黃

之交有逋逃主號自在王應翔殲其魁而瀦其宮調

廣州决積牘千六百卷平反死獄以八十餘一日弃

官歸再起觀察衢州開化有程五龍等盜戕殺官兵使者發兵捕治近村民惶惑鼓譟逐之兵歸告使者村之千餘家盡勝廣也應翔曰無恐獨入巢焚其戎首烏合悉散遷湖廣叅政未之官卒應翔好道術無通釋入是以遺外紱冕不嬰世念

張繼桂字

篤親信友意氣倜儻授華亭知縣裁

罷常例調松陽卒官妻孥織作自贍而已

許儼字子遜會試第一改翰林院庶吉士授編修卒儼喜讀書善為舉子業矢口縱筆精義躍如海內傳誦至以比之王唐瞿薛為人趣操高潔憤急多怒竟以無年

蔡鍾有令與國能其官古心直道不容於時左遷徐州倅守於呂梁為河堤上牛馬走河漫決無時奔漲疾風鍾有乘舫行波中幾葬魚腹者屢山東妖寇發去徐三十里鍾有以河夫為卒畚鍤為兵擬賊河上賊竟北潰轉分水令卒官

泉州府

永春縣

唐進士

大中十一年

盛均

有傳

盛均字之才聰穎超邁文名一時舍人皇甫煥辯博

自雄每賓客及門置酒延坐廣引發難辭曰爲証事
屈者多不終席自引去惟均酬荅如響時謂勅敵嘗
廣白氏六帖爲盛氏十二帖貫穿囊括頗資時賢所
好仕終昭州刺史今其文見唐文粹者有真龍對孔
子不歷聘解人旱解等篇其人旱篇涸灘歲越垠曠
旱塞諸陽遷市不雨祈山川庶神不雨觴土龍舞巫
覘愈又不雨或言邦有術人能補退龍而謀之昔歲
尚然農剩其澤及召術人至而旱色如故太守怒亟
命擒之術人遁去矣其遺囊有書一幅目曰人旱旱
有三曰天旱國旱人旱曷爲天旱蹇陽肆凶下土祗
慎雖六七歲黎人不饑曷爲國旱君道熾災德涸仁
枯會風暴氣蒸爲時厲曷爲人旱邦燬其政吏賊其
行千里人心燥不爲陰夫天旱求諸仁仁洽而時豐
國旱求諸德德潤而澤流人旱求諸政政清而俗阜
今貨游於上刑黷于下百姓焦愁結成狼暑所謂人
旱者也邦守不清其政而逮龍貨雨是猶乘輦適海
參羊望翼於何可異乎太守得書增怒是歲自正月
不雨至于五月明年殍死數千人而太守亦以財禍
均爲此文用以譏切時事云

五代唐進士

天歲三年戊子 陳保極

陳保極仕南唐為大理評事充武義軍節度掌書記尚書左司員外郎誥詞美其含華葆光握蛇吐鳳有弟元亮仕江南亦以才學名李氏後主稱為二英陳元愷作永春建縣記有詩人賦客則陳職方名捷梁園陳行軍聲騰江左蓋美保極兄弟

宋科第

淳化三年壬辰 陳庶尹

天聖五年丁卯特奏名 盛竒

景祐元年甲戌 黃豫 鄭慈

慶曆六年丙戌 陳規 林允中

皇祐五年 特奏名 劉敏

嘉祐四年己亥 顏孝初

熙寧二年庚戌 卓天宜

元豐二年 特奏名 陳瑊

紹聖元年 特奏名 吳堯封

四年丁丑 陳彥聖

元符三年庚辰 劉允迪

大觀二年己丑 姚師禮 莊積中

特奏名 蘇謐 丘世京

政和二年

特奏名

陳基求

建炎二年戊申

黃豐

紹興十二年壬戌

蔡茲

陳古

彥聖從侄

十八年戊辰

陳光

蘇升

謚侄

特奏名

鄭公坦

慈侄孫

二十一年辛未特奏名

莊竝

積中侄

鄭若虛

二十七年丁丑

黃中立

黃偉

更名維之

三十年庚辰

留正

乾道五年己丑

顏應時

八年壬辰特奏名

鄭凌

淳熙二年乙未特奏名

蔡豸

茲弟

五年戊戌

鄭岳

特奏名

陳飛英

八年辛丑

莊夏

十一年癸卯特奏名

陳宗

十二年上舍兩優釋褐

顏棫

紹熙元年庚戌

陳一新

特奏名

張夢弼

王子新

四年癸丑特奏名

顏迥

慶元元年乙卯上舍釋褐

黃以寧

維之子

二年丙辰 陳易 姚選

五年巳未 林萬省試第二 鄭宋臣

特奏名 留文瑞 正族侄

嘉泰二年壬戌 蘇泰 升侄

開禧元年乙丑 顏橢 棧族弟 鄭煬 宋臣族弟

特奏名 鄭子春

博學宏辭科 留元剛 正孫 留大用 正侄孫

嘉定元年戊辰 留良 正族侄孫

特奏名 林端行

四年辛未 留瑞 正從侄

特奏名 陳克俊

十年丁丑 留元英 正孫

特奏名 孫瑞 林伸

十三年庚辰 莊序 夏子

十六年癸未 王胄

寶慶二年 特奏名 陳夢得

紹定二年巳丑 林時傑 萬從弟

五年壬辰特奏名 陳楷

淳祐元年辛丑特奏名 陳握 宗孫

七年丁未 莊彌明 夏孫

特奏名 温德一

十年庚戌 蔡義和

特奏名 吳華夫

寶祐元年癸丑 鄭帝俞

正奏名 曾子正

四年丙辰 林時遇 王唐

景定三年壬戌 陳雷震

咸淳元年乙丑 陳德高

四年戊辰 陳遇龍 蔡方

九年癸酉鄉舉 留東 正玄孫

薦辟蔭補賢者雜見列傳中

有傳

留從諛 族孫正 正子恭 丙 籛 頤

恭子元 籛子元 元圭 元崇 頤子元

剛 英 正玄孫 正從侄 黃 豫 顏孝初

族人攔 黃 豐 蔡 茲 陳 光 蘇 升

黃 偉 子以寧 顏應時 莊 夏 孫彌邵

陳一新 陳 易 林 萬 王 冑

留從諛從効再從第也淳化中為泗州長史有清節
官卑俸薄雖藜藿不充未嘗妄干人太宗聞之召赴

闕特遷揚州觀察支使
 正字仲至從効六世孫少游惠州歸善徐敦實妻以
 女因應惠州舉紹興十二年進士授南恩州陽江尉
 清海軍節度判官龔茂良守番禺海寇竊發正言在
 法刼盜賊蒲五貫死海盜加等小民餌利率身陷重
 辟請鏤梓海上使戶知之用茂良薦赴都堂審察宰
 相虞允文竒之薦孝宗得對祖宗以天下全力用於
 西夏承平日久邊不為備至敵人長驅而不能支今
 當改轍使文武並用孝宗嘉歎書劄中要語下三省
 施行知循州陞辭言士大夫名節不立國家緩急莫

仗欲圖恢復當尚名節孝宗益喜明日諭輔臣謂正
 議論耿耿可與職事官除軍器監簿歷官考功郎官
 擢起居舍人尋權中書舍人光宗自東宮朝顧見謂
 左右曰修整如此其人可知請于孝宗兼太子左諭
 德為中書舍人兼侍講兼權兵部侍郎除給事中兼
 權吏部尚書言用人先論相陛下志在恢復而輔贊
 不任望精選人材與圖大計時相益不樂以顯謨閣
 直學士出知紹興府侍御史范仲邑劾前帥賊六十
 萬有詔覈責正明其非辜御史怒弁効正降顯謨閣
 待制提舉王隆萬壽宮尋復職知贛州奏臧上供米

不報知龍興府進龍圖閣直學士四川制置使無知成都府以簡素化民乾道初羗酋奴兒結越九渡河據安靜砦侵漢地幾百里正密授諸將方略擒奴兒以歸盡俘其黨進敷文閣學士尋詔赴行在歸裝書數篋而已除端明殿學士簽書樞密院事叅知政事同知樞密院事孝宗密諭內禪意拜右丞相一日奏事皇太子參決侍立孝宗顧謂太子曰畱正純誠可託光宗受禪主管左右春坊筭特立以隨龍恩擢知閣門事聲勢浸盛正列其招權預政狀乞斥逐光宗意猶未決會副參闕特立謁正曰上以丞相在位久

欲遷左相葉翥張豹當擇一人執政未知孰先正奏之光宗大怒詔特立提舉興國宮孝宗聞之曰真宰相也紹熙元年進左丞相謹法度惜名器引趙汝愚首從班卒與共政用黃裳爲皇子嘉王翊善號爲得人嘉王感疾正言陛下只有一子隔官牆外非便宜令蚤正元良入居東宮又奏太子天下本傳曰豫建太子所以重宗廟社稷本朝皇子居家嫡出閤已久宜早正儲位以定下本再月不報檢漢文帝紀及本朝真宗立仁宗典故并呂誨張方平兩奏節其要語繳奏光宗不豫外議洶洶正與同列間至福寧殿

奏事處分得宜人情以安進封申國公光宗疾寢平乞歸政不許壽皇聖政成進少保封衛國公李端友以椒房親手詔除郎正繳還光宗不納復執奏曰昔管陶公主爲子求郎明帝不許今端友依憑內援恐累聖德姜特立除浙東副總管尋召赴行在引唐憲宗召吐突承璀事乞罷相光宗批成命已行朕無反汗卿宜自處正待罪六和塔奏言陛下近年不知何人獻把定之說遂至每事堅執斷不可回天下至大機務至煩事出於是則人無異詞事出於非則衆論紛起必須惟是之從臣恐自此以往陛下事無是非

壹持把定之說言路塞矣因繳進前後錫賚及告勅待罪范村乞歸田里不許壽聖太后將以冬至上尊號冊寶以正爲禮儀使攝太傅於是光宗遣左司徐誼諭旨正復入都堂視事是行也待罪凡一百四十一日冊寶禮成拜少傅封魯國公力辭五年正月孝宗疾革正數請車駕過宮一日光宗拂衣起正引裾泣諫隨至福寧殿門退上疏言極激切孝宗崩光宗以疾未能執喪正率同列屢奏乞早正嘉王儲位又擬指揮付學士院降詔尋有手詔朕歷事歲久念欲退閑正得之始懼請對復不報即出國門上表請老未

曰願陛下速回淵鑒追悟前非漸收人心庶保國祚
正始議以光宗疾未克主喪宜立皇太子監國若終
喪未倦勤當復辟議內禪太子可即位時從臣鄭湜
奏與正同既而趙汝愚以內禪請于憲聖正謂建儲
詔未下遽及此他日必難處論既違以肩輿逝去及
嘉王即位是爲寧宗尊光宗爲太上皇帝以正爲大
行攢宮總護使正入謝寧宗復出憲聖命速宣押時
汝愚亦以爲請寧宗親札遣使召正還侍御史張叔
椿請議正棄國之罰乃徙叔椿吏部侍郎而正復相
入賀且請車駕一出慰安都人心及定壽康宮南向
撤去新增禁旅詔悉從之進少傅屢辭不拜奏言陛
下勉徇群情以登大寶當遇事從簡示天下以不得
已之意寔非頒爵之時韓侂胄浸謀預政數詣都堂
正使省史諭之曰此非知閣日往來之地侂胄怒而
退會經筵晚講賜坐正執奏以爲非寧宗不懌侍御
史黃度論馬大同罪正擬度補外寧宗知其情除度
右正言正請推恩隨龍人寧宗曰朕未見父母可恩
及下人耶積數事失上意侂胄從而間之八月手詔
以少師觀文殿大學士判建康府尋又以諫議大夫
張叔椿言落職慶元元年六月詔正以上皇付正手

詔八字進入宣付史館復觀文殿大學士初劉德秀
 自重慶入朝未為正所知謁正客范仲黼請為言正
 曰此人若留之班行朝廷必不靜乃除大理簿德秀
 憾之至是為諫議大夫論正四大罪褫職自是彈劾
 無虛歲以張奎言責授中大夫光祿卿分司西京邵
 州居住明年令自便給事中謝源明封還錄黃量移
 南劍州再許自便復光祿大夫提舉洞霄宮上章乞
 納祿詔復元官職致仕又以御史林采言依舊官光
 祿大夫致仕俄復觀文殿學士金紫光祿大夫嘉泰
 元年進封魏國公復少師觀文殿大學士開禧二年
 薨年七十八贈太師寶慶三年謚忠宣有詩文奏議
 外制二十卷子恭丙鑑頌

恭字伯禮通判廣州秩滿民疏其惠愛二十事請留
 部使者薦知南康軍其政以朱文公為法提舉浙西
 常平境內大饑悉力賑恤全活三十六萬六千餘人
 知紹興府蠲租省役罷遊宴絕餽遺杜請謁時稱循
 吏知廣東徭寇竊發捕降其豪酋四十四峒悉平以
 直徽猷閣奉祠起知建寧府卒贈秘閣修撰子元剛
 丙字南仲歷知宜梅潮三州乞禁海賈勿通閣婆以
 防洩鑑入監登聞檢院遷司農寺丞倉部郎中知常

德府撫州卒子元治主管南外睦宗院元均通判惠州

鑄字 鑄之歷知邵州奏蠲和糴入爲司農寺丞使金察其勢必亡歸陳備邊五策除度支郎提點湖南江西刑獄移知廣州請鬻小鈔以弭益寇端平中除直龍圖閣奉祠卒鑄端厚有度在正諸子中尤賢子元英元圭元崇

碩字季膺歷全廣南劍州通判知南恩州言廣南州郡兵弱乞刺填軍額以備不虞理官縣尉乞覈官簿不授註耄繆者知岳州講荒政閣租稅民便之爲大理寺丞請立武舉解額試于諸路帥府中則試兵部事雖不行論者是之知建昌軍卒子元長元亮

元剛字茂潛博文彊記爲文奇峭開禧三年試博學宏詞科與真西山同選有司書西山卷曰宏而不博書元剛卷曰博而不宏寧宗善其文並寘異等除國子錄嘉定初遷秘閣校理累遷直學士院嘗言今日有貧國貧民而無貧士夫遷軍器少監權起居舍人言國朝左右史立御座後今乃在躲殿東乞復侍立修明舊法嘉定更化以後大臣寢謀固位元剛槩然有振刷斯世之志會以內艱去起知温州勤恤民隱

百廢皆修發奸摘伏人服精敏移知贛州罷元剛早負盛名自擬大用已乃鬱鬱不適築圃北山號雲麓吟鬯其間有雲麓集

元英理宗朝為監察御史疏論試邑兩經罷黜毋得再補縣攝州郡又言諸州軍僚屬私役禁軍及閩廣州縣於常賦外敷鹽擾民乞申嚴法禁皆從之遷權工部侍郎出知潮州終寶章閣待制知漳州卒

元圭字粹中以門蔭授承奉郎父鑄使金元圭時典牋奏禮文悉所裁定主管南外睦宗院知建安縣獄有重辟久不決一閱即得其情均徭省訟治績為諸

縣取卒于官

元崇字積翁有俊才工詩通判興化軍年三十餘卒

元長為人謹重歷會新建全三州在全請于督府免徵費勿郡擢大府丞知撫州改汀州卒

元亮淳祐間令古田有仁政嘗祀先賢創義塚置貢士莊

東字純仁登鄉舉入國學景炎丙子以兩登極恩賜同進士出身授肇慶司法叅軍廉勤有聲陞從事郎清海軍節度推官未幾改帶行國子編較平海軍節度推官宋亡杜門不仕至元辛卯錄宋故臣授桂陽



縣丞及乳源縣尹俱辭不赴伯惠授將仕郎孫天錫授泉州路儒學教授亦不赴國初進士何德舉贊東像有身元心宋為古逸民之語瑞字玉卿精春秋為經學師同時精春秋者有顏桂叔芳精周禮者有鄭華君實

黃豫字伯奮少穎悟蜚聲場屋景祐五年試房心為明堂賦登第官秘書省較書郎有詩名

顏孝初力學起家兩對南宮以文名世尤長於詩官至秘書郎孫褒見韋布族人械檐械有文名仕權工部尚書兼吏部尚書

楠字養正歷藤州教授會昌南海南康令通判循州知梅州楠知南海因威濟惠盜寇斂跡知梅州贛寇陳三搶率萬眾逼梅城四十二日楠激勵將士分隅拒守又合蛋船布水陣攢矢射之賊遁帥垣上楠功會病卒

黃豐字元式靖康中虜犯京闕搜括中朝名士焚燒太學首問學錄黃豐安在因趨井避之豐與同邑陳謐俱有令譽豐為太學錄謐為武學錄御史黃瑀見二公同時同邑意人才所鍾之地欣然求宰永春其為時所重如此豐仕終編修知興化軍任東老寶慶



中任武平令盜發江閩與尉鍾百福率民兵拒敵死
之事聞贈官其後一人

蔡茲字光烈問學有聲從游甚衆蚤以明經領鄉薦
紹興二年爲建州貢院考官朱文公實出其門讀其

三策知其非常人復以詞賦第十二年進士仕至南
恩守秩蒲雅有林泉之想梁克家當軸除茲廣德憲

控辭甚力遂掛冠歸築室燕堂日與賓朋觴詠
陳光字世德妙齡力學工古文詞歲首裹糧從師寒

暮方歸侍親陳知柔與友而梁克家受業焉官封州
僉判權知贛州嘗進六經講解

蘇升字時仲宰吉永豐興學教士仕至知瓊州能詩
有願齋集行世前輩評其顛陶靖節

黃偉字維之後卽爲名更號叔張弱冠從兄巽之人
太學屢試占首與黃槐同時人稱二黃第進士除太

學錄遷國子監簿轉對進所撰太祖政要論愛名器
厲廉耻因及銓試冒名代筆其後任子覆試議自維

發之時孝宗銳意恢復方講武事獻議者乞立武賢
良科下館學集議維之謂賢良求文武全才不宜復

立科事遂寢除大理丞時少卿欲奏獄空維之以所
隸有獄未竟不敢書名寺削去維之名銜以聞維之

白執政有官守者不得其職則去力求外補差知邵武軍陛辭賜對論選用大臣當如王素對仁宗宦官官妾不識名者可充其選又論乾道新書不當刪減內侍不得干預朝政等事孝宗面加褒諭翌日出劄子付勅局復舊法後歷官江西提學維之爲小官耻於求舉及更麾節所薦引多寒士其挾貴而來者未嘗舉一人跋歷中外直道而行居閑十年手不釋卷嘗與朱子論學後進以鄉先生事之維之亦喜接引傳內翰伯壽顧郎中咸出其門自號竹坡居士年七十九卒之日夕猶與諸子講論至夜分子以寧以簡以大猶子以翼見韋布

以寧字宗一分教惠陽指授有法擢太學錄差淮西漕司幹官幕畫明辨漕使憚之會淮甸太歛部使者檄以寧循行賑貸區畫有方通判建寧守史彌堅彌遠介弟喜事尚威關決有不可引誼力爭守積不能平喉臺臣劾罷之父老遮留數千歸家杜門食祠延接後進講論忘倦或有不善面加譙責郡守樂咨以政毫無私荅端平親政忤權臣者皆召人惜其先卒弟以簡知永福縣以大知循州

顏應時精易爲經學師

莊夏字子禮幼時父母避賊棄之草間虎乳之長目
有夜光早孤從兄晦學弱冠習禮經郡博士張叔椿
奇其文勉入上庠母鄭氏春粟種出浴兒錢以資裹
糧登淳熙進士授興國縣慶元六年大旱詔求言夏
上封事曰君者陽也臣者君之陰也今威福下移此
陰勝也積陰之極陽氣散亂而不收其弊爲火災爲
旱蝗願陛下體陽剛之德使後宮戚里內省黃門思
不出位此抑陰助陽之術也召爲太常博士言比年
分藩持節詔墨未乾而改除坐席未溫而易地一人
而歲三易節一歲而郡四易守民力何由而裕開禧
二年遷國子博士輪對首陳邊釁不可妄開議者難
之嘉定更化歲薦饑以著作佐郎提舉擢江東常平
倉發廩賑流民多所全活除轉運判官益講荒政踰
年入爲尚書郎遷軍器監太府少卿出知漳州請屯
兵大池故寨增小溪南嶺二寨控抑汀潮造橋柳洋
江以抹覆舟之險尋以宗正少卿召兼國史東宮官
直學士院兼太子侍讀時流民來歸復言荆襄兩淮
不耕之田計口授地貸以廬屋牛具吾乘其始至可
以得其欲彼乘其不死可以忘其勞兵民可合屯田
可成萬世一時也試中書舍人兼太子庶子左諭德

訓詞華潤論奏明切封還尤多又言戰守不成規模
不定則和好之說得乘間入今日之患莫大兵冗乞
行下將帥令老弱自陳得以子若弟侄若壻強壯及
等者收刺之代其名糧孝宗是之除兵部侍郎時宰
諱言邊事廟謨秘密人莫敢聞夏言西蜀潰卒宜討
宜招江淮制閩宜分宜合山東忠義宜刺宜汰比年
集議寢少乞詔侍從兩省臺諫自爲議狀二三大臣
類聚以聞忤時宰意累疏乞閑以寶謨閣待制奉祠
進煥章閣待制自號藻齋老人十二年誥封永春縣
開國男食邑三百戶賜紫金魚袋卒贈少師光宗贊
其像有堅冰志操忠言逆耳之稱所著有禮記解又
有遺文二十卷國史大事記十帙典故備志五帙子
夢閣新城宰夢序大理正孫七人彌邵見下彌堅登
進士爲編修官彌大刑部郎中彌明進士
彌邵字德修以父序蔭補承務郎監福州水口鎮擢
臨安府通判討平天目山寇以功權知安吉州有惠
愛除軍器監丞輪對首以進德修業爲言且謂大廷
之對禮貌親而情意疎細旃之講誦說多而推行少
進軍器監宋亡蒲壽庚以彌邵彌堅彌大同薦于元
俱不之官

陳一新字又之少受學陳知柔舉進士教授汀州慶元四年校藝漕闈時韓侂胄用事一新發策以谷永攻君而黨王氏劉蕢言直而有司不取爲問同列請易之一新不可果激其怒賴侍臣力救免累遷國子博士輪對深論權倖以劾免通判婺州知邵武軍却互送簡供餽用蕢平稱卒于官初言者請下漕官索官不習僞學狀一新曰吾寧不爲考官決不書也

陳易字後之幼孤力學授業朱文公文公稱其持守識見講論可師或問文公延平驗中於未發之前是何氣象易曰持守良久亦自可見仕終懷安丞居喪小酌古禮鄉閭化之所著有語孟解

仇萬字仲至任惠州教授歷官三省掌故恬於榮進以謁光範爲耻未幾劾罷復爲沿海制司幹官改秩知宣城縣卒

土冑字希武教授惠州秩滿入爲太學正遷博士禮闈校藝諫官同典舉欲私所厚以險怪之作剋多士冑識其文曰必某人也典舉色阻易寘次列而心嚙之揭曉被劾罷通判惠州羅浮山水之勝題詠殆遍歲餘卒官

皇朝科第

舉人 進士

子午卯酉屬舉人辰戌丑未屬進士

永樂十八年庚子 翁進

宣德元年丙午 黃杲

成化十年甲午 吳禮

十九年癸卯 莊熙

嘉靖七年戊子 陳漢章

十三年甲午 鄭莊彥 應天中式

隆慶元年丁卯 劉應望

二年戊辰 劉應望

四年庚午 王天策

萬曆元年癸酉 李開芳 府學 清曾孫 晉江人

七年巳卯 黃煊

十年壬午 李開藻 開芳弟

十一年癸未 李開芳 李開藻

十三年乙酉 李開芬 開芳弟

十六年戊子 黃燿 李燿

二十六年戊戌 李燿

三十八年巳酉 翁為樞

三十九年庚戌 翁為樞

四十三年乙卯 莊際昌

四十六年戊午 周鳴鹿 陳喬材

四十七年己未 莊際昌 會元 狀元

貢士監生賢者雜見列傳中

有傳

顏隆 曾姪孫 延榘 鄭莊彥 陳嘉謀 翁有恒

王天策 弟天範 李開芳 弟開藻 莊際昌

顏隆字文盛五季顏仁郁裔宋孝初之後也應貢入太學正統元年授吉安府推官楊文貞士奇子犯法執而罪之當道交薦擢河南按察僉事嘗帥兵禦虜有功景泰初致仕年八十二曾孫廷榘

廷榘字範卿父溥判連州用薦平擢曲周令不赴廷榘應嘉靖戊午歲貢授九江府通判公暇賦詩携客時時探討匡廬潯陽諸勝人以白司馬呼之所承檄視郡邑篆十餘事無所不舉第不屑以簿書雷同坐忤上官得調補太寧都司斷事挾一蒼頭居閒局五載一意翰墨在事諸公咸加敬禮遷珉府長史輔導匡正王甚重之久之棄歸年七十餘縱游海內名山所過洞天福地留詩紀勝其詩律既工復字書適美求者踵至年九十三卒廷榘重孝第篤倫紀既與同母弟中分券其父晚復舉子殊寂寂廷榘察父意聽

致已券請再割已再舉第再致券請割復如之母李食梅病酸終身不忍復見梅其爲諸生時師莆人吳石渠吳後客死桃源他舍廷桀昇尸入門沐椁爲位哭數日厚賻以歸有女適人無子而又貧也女歸依廷桀一日女婿以其生子之妾之計聞廷桀當食廢箸哭入告女命女郎家爲位哭之出見道傍旅人死爲具殯其子趨謝不受拾遺金俟三日其處還之遺金之人歲歲來壽廷桀也自稱陋巷生又曰贅翁又曰桃源洞口漁人所著有匡廬倡和集楚游草燕南寓稿叢桂山堂存稿杜律意箋

鄭莊彥字肅夫授昌化教諭訓迪嚴勤林司寇雲同爲學使延致五羊書院聚教郡邑秀士遷蘇州教授疏請特祀韓雍轉國子助教卒莊彥恂恂謹守盡出其生業分與諸弟有友客死家貧典兒女爲贖歸撫存之

陳嘉謀嘉靖十三年貢士試內廷試目爲孔子先正禮樂論嘉謀引經撫傳疊疊二三千言霍韜讀之擊節歎賞遂授道州學正蓋異數也丁艱補均州陞國子學錄不赴嘉謀讓產伯氏有孝友聲掌教二州時捐俸賑饑居鄉以長者聞

翁有恒字以貞萬曆初授長泰訓導遷河源教諭家有母也皆奉之就養其爲教以身率物不煩言語諸生馬叔康者廬墓三年疏請督學獎借之河源令以私憾擠其簿監司行縣問有恒有恒曰大人問諸生肄業當舉以對問簿非所知也監司曰謂監司無法耶有恒曰學官無罪不當爲簿受法惟母老不去爲耻耳遂自劾去監司尋悔之而轉薦之兩臺兩臺使攝長樂攝長寧一無所持將旣訖事愾乞致仕養母兩臺交留請益切代疏予歸甚嘉與之嘗謂學在躬行徒言無益按其所養真有道者也

王天策字國獻授鄭州學正知都昌縣邑苦虛糧東西鄉訟于闕廷天策履畝清豁之有豪匿鄱陽田數千畝一以法繩治所豁賠米三千餘石清宗室詭糧九百餘石除贖丁四千餘口至其決獄出冤不避嫌怨坐左遷遂掛冠游燕薊間爲大都受天策樸而不斲直而不倨李文節信其平生與爲友弟天範天範自其餼于庠時即捐廩立義田以貢授潮陽訓導禔躬以敬敷教以寬舉文會卻贊儀致政歸潮士碑之

李開芳字伯東父應元見韋布開芳以戶部郎出爲

廣東副使江西叅政按察使右布政使乞歸養父沒
再起江西右布政廣西左布政南太僕寺卿終官開
芳警敏疆直開口論天下事發舒極底裡所至風裁
著稱凡古人能事必求與爲追逐而精力亦足勝之
年八十尚爲人作詩作書作篆作墨竹世人殊寶重
之有天風子集第開藻

開藻字叔玄少學於開芳弱冠聯登甲第穎敏好學
遂以文雅直諫著於世以戶部郎權關許野每歲冬
十日閑閑恣出入民商便之調禮部出爲山西提學
僉事署其堂曰天下事私難而公易曲難而直易吾

爲其易者而已矣有御史其父仕山西欲求祀名宦
開藻批其牘曰雖有褒述之舉豈無諛生之嫌與御
史大忤拂衣歸再起山西提學陞山東叅議浙江副
使江西提學副使開藻涉足仕途清聲在人然屢起
屢歸赧赧不樂進實以奉父之故旣父沒哀毀不勝
感動親舊再起江西提學再告病再起南尚寶司卿
痛父沒俱不屑往再起太常少卿方撰日就道而遽
逝矣世人服其清操亮質

莊際昌字景說祖用賓見晉江英舊用賓夢張襄惠
投刺相謁而際昌生因名夢岳以試更今名舉進士

會試廷試皆第一爲泉人破荒其制策一字偶誤爲
忤者所齟齬遂乞假歸天啓初授翰林院修撰經筵
展書起居注編葺六曹章奏乙丑分校禮闈尋管理
誥勅往詞林多藉是爲潤筆資時魏璫煽虐際昌未
數日卽棄去乞差歸丙寅秋當復命會修三朝要典
蹙然曰是固然以國史爲刑書者丁卯天下大比士
際昌以首資當衡文兩京矣親友勸駕長安中有促
之者曰公速來可步武三事也夷猶不赴亡何爲魏
璫所褫奪璫誅起原官歷陞春坊庶子授記注官

上數召對當秉筆記言五漏入待率二鼓方罷

際昌赴召時途中得未疾用是因憊竟卒贈詹事際
昌爲人坦直夷易孝友切至傷其第重岳孝廉早卒
撫遺孤如己子終身茹素午惟一葷而已自以起家
高第家居肅飭自將蒼頭戢戢不敢問戶外事獨好
爲德于鄉人溜石故有隄門南鄉數都之水賴以蓄
洩又新溪一岸障鹹引淡潮汐乘之歲久圯塞際昌
以其受水頗狹爲廣設三間鳩農父荷鍾伐石捐費
二百餘金歲方苦旱四十二鄉咸藉播殖焉雅善談
諛風發泉流四座厭心無通祿命醫藥形家之書人
服其多才尤曠達自築生壙題曰羨玄真息鑄詩其

傷曰百年忙半逝四大本歸虛竟年五十二亦詩識也

[Faint bleed-through text from the reverse side of the page]

閩書卷之九十二

英舊志 縉紳

建寧府 建安縣一

唐進士

咸通二年辛巳葉京

葉京字垂孫詞賦有名州人登第自京始終大學博士是時士大夫深疾宦官事有小相涉則眾共棄之京嘗預宣武軍宴識監軍之面既而及第在長安中與同年出遊遇之於塗馬上相揖因之謗議喧然遂沈廢終身

五代

游簡言 孟貫

游簡言字敏中父恭唐末進士仕楊行密為駕部員外郎知制誥簡言少孤力學徐知誥鎮金陵辟掌文翰遷觀察巡官及南唐國建歷虞部員外郎知制誥中書舍人保大中為翰林學士禮部侍郎守職恭恪貞介不阿元宗重之後主即位自吏部尚書遷左僕射委以南省之事簡言躬親簿領督責稽緩勵以威嚴寮吏畏之於是六職辦集及拜相而卒
孟貫字一之少好學遊廬山以禮義文章節儉為當時師範人稱孟夫子仕於周為大夫

宋科第

太平興國二年癸未李虛已

陳應期 建陽縣載李陳二人作本

縣人

雍熙二年乙酉李寅 虛已父 吳拱辰

端拱元年戊子李晏如

二年己丑楊自牧 張篆 籍貫無考

淳化三年壬辰張正符

咸平元年戊戌楊子禎

二年己亥章楷 一作楷

三年庚子章得一 魏幽求 黃禹昌 章琛

黃務本

景德二年乙巳章鐸 陳知言 黃翼

大中祥符元年戊申 曹脩古 黃補 黃霖

章佑

二年巳酉王希

五年壬子王并 張演 曹脩睦脩古弟 章徙上一四名一

作浦城人

八年乙卯黃珪 章係

天禧二年戊午程適 黃援一作張式

天聖二年甲子章孝基 黃可 黃昱 黃帖 黃

凝

五年丁卯楊儀 章維 黃稷 黃補之 黃晉

八年庚午黃孝恭 丘荷 柳垂象 黃展

景祐元年甲戌連舜元 黃孝立 張洞 張謨

寶元元年戊寅章佺 楊緯 阮適 阮邈

慶曆二年壬午楊緬 阮遵 何辟非 吳簡 阮

陶 林術

六年丙戌夏噩 張誼 呂百能 吳絳 葉悃

魏式 黃子華 陳倩

皇祐元年巳丑游景先 楊仲孺 劉洵 陳潛

陳冽 黃儼展子 黃默 陳邠 陳瀚 陳與京

連希元

五年癸巳章辟強 葉式 章穎 張傳 徐伯

琥 葉康直 翁縝 陳傳 虞舉元

嘉祐二年丁酉劉涇 黃任 魏洙 黃先一作元

陳戩 李弼

四年巳亥董威 周權 吳子選

六年辛丑吳賁 葉斐 魏諤 徐師冉 阮師

德

八年癸卯楊懷寶 吳應 吳道 黃濂 張粵

張括

治平二年乙巳 楊凝 曹極 何甫 賈思 彭

璟

四年丁未吳師龍 楊國寶 阮述 黃遠 張

翥

熙寧三年庚戌張中 范子淵 章傳 王昕 翁

貺 葉表 呂俱 陳節 潘立方

六年癸丑張元方 楊遷 張益 周彥中 林

式 施聞 江與機 劉川 黃叙 江彥適

九年丙辰丁湜 陳察 張元素 魏默 丁褒

施遵 張岷 練儀甫 劉常 葉豫 張幾

呂蕡

元豐二年己未徐常 祖通 黃桔 黃致一作紋

江昉 孫夙 江時籍貫無考

五年壬戌呂杭 葉默 魏敷 葉示 丘傳

黃君輔 吳仁凱一作斂 王藻 魏閔 黃奕

翁援 黃董 呂察 曹震 黃覺 葉木

葉世隆

八年乙丑呂祝 張元仲一作仲元 陳民先 楊觀

姚易 龔起 江旃 周恭先 黃從周 劉通

章繹 謝冲 楊悅

元祐三年戊辰章援 黃一正 張徽言 陳南夫

傳列 黃槩 徐建常 丁秩籍貫無考

六年辛未葉特材 黃從簡 葉摺 李適 徐

載中

紹聖元年甲戌徐當常弟 詹尚 袁閩孺一作閩儒 吳著

謝烈 黃軒 張得臣 劉毅 謝燾 吳獻可

呂貴 張粵 雷覺民

四年丁丑章特 章佃 范致君一作致冲 翁慶奕

丁淳 王褒 黃鞏 章思永 黃遂中 張卿
 才 黃公述 呂深 游暉 楊傑 丁稠 呂
 杭

元符三年庚辰范致明 陳曄一作畢 謝孚 魏貢一作
 賁 陳輝 林迪 張公厚 徐端行

崇寧二年癸未陳洛書 曹欽承 練幹譽 翁珪
 江去惑 黃陞 黃勝 楊桂 曹襄
 四年乙酉上舍釋褐 葉翺

五年丙戌張翔 呂著 黃齊儼子 廖邦傑 陳
 昭度 潘建中 龔寬 張龜齡 葉裕 張章
 黃寬 孫量 練表 董管

大觀三年巳丑張臨 徐曄 游傳 丘之立 應
 時發 王山 謝仲逸 劉廓一作廊 魏汝賢 張
 昭 李弼 黃子服 呂賓 范致厚 徐昉

葉傳 葉彥隆
 政和二年壬辰劉疇 陳沃 熊天啓 熊迪迪縣志作
五年二熊建陽縣亦載是人 丘程 黃阜 陳師尹 張黻

陳舜隣 李驥 梁義一作從義 陳天助 葉逸
 翁谷府志載崇安人

三年釋褐張公綽

五年乙未黃褒 黃鎮 江文中 周莊仲 范

舜舉 虞少英 郭擇仁 黃俊卿 黃天助

重和元年戊戌熊適建陽志亦載是名 鄭轂 吳斌 徐文

虎 吳岑 羅鞏 鄭轂轂弟 陳弒 徐端臣 林

達卿 黃與權

宣和元年巳亥釋褐江濠

二年釋褐吳舜卿

三年辛丑張轂 翁起予 王康佐 魏延世

程端緬 魏公晉 陳績績一作績 陳延賞 魏孝孫

一作甌寧人

六年甲辰葛宏 章傑悼之孫 陳與縻 陳師孟一作

陳思周棐 龔濤 謝元禮 范振 王以詠府志一作甌

寧人

建炎二年戊申葉棻 陳璫 葉觀 鄭鏐 楊璟

一作景章籍 黃仲選 張震 葉薦 黃延年

葉宗武 葉衡 范如圭舜舉子

紹興二年壬子范寅賓 楊柅 陳琦 黃子魯

周廣譽 丘欽若 陳佃 龔汲

五年乙卯楊秀穎

八年戊午江鵬 葉山 王大治 李師中 黃

友德 范愉

十二年壬戌劉希傑一作劉中

十五年乙丑謝達 陳庭筠 倪必强 黃恬

龔冲

十八年戊辰練槩一作張商卿

二十一年辛未黃汝舟 盧寬一作蔡瑤 劉信

魏介卿 劉采

二十四年甲戌黃敷忠 楊椿年 丘疇

二十七年丁丑范大用 周之才 謝灝 賈祺

三十年庚辰魏鈞 葉延壽

隆興元年癸未李宗思 徐枏 陳之方 葉元翼

王畿 邵謨 李拓 周焯 虞寅 張庚 潘

赫 周燁 徐閔 袁樞

特奏名 翁德輿第一人崇安志亦載是名

乾道二年丙戌 葉有秩 范汝礪 林光 葉鎬

楊延年 張籍

五年己丑吳三省 梁光

八年壬辰危崧高 雷霆 賀次章 陳光祖

江泰

淳熙二年乙未馬子嚴 范斗南

特奏名 陳應行 第一

五年戊戌江珣 范應辰 劉策

八年辛丑劉特 楊偁 王齊翼 徐愿

十一年甲辰梁待聘 陸子忠 張文弼 葉文

炳

十四年丁未張應之 虞仁仲 魏復 魏光

葉建中

紹熙元年庚戌馬任仲 張彥清 李冲 謝子蜚

四年癸丑李改正 黃張 江疇 袁聘儒 黃

志寧 楊與立 游覲 邵元齡 籍貫無考

慶元二年丙辰李桂 梁鑄 張槐 葉祐甫 虞

由 張杰

五年己未葉麟之 吳旂 游浚 李勳 陳如

劉必端 甄大中

嘉泰二年壬戌謝汲古 第二 黃應酉 李梟

開禧元年乙丑鄭友直 卓田 李機 朱復之

嘉定元年戊辰華堯封 黃宋興 一作崇安人 劉松 林

韶 一作甌寧人

四年辛未沈敏 劉灼 周清 鄭杜 田傳震

劉衍 張毅然

七年甲戌馮振祖 葉同 范榮

十年丁丑黃延 虞應龍 陳壬 楊宗元 雷

復

十三年庚辰吳權 章子仁 丘發

十六年癸未王九萬 黃洪 陳正夫

寶慶二年丙戌 游鎔 周申 祖吳 李炎之

張申子 申一作中

特奏名 魏壬良

紹定二年巳丑張權 陳埜 鄭永 袁申儒 詹

夢龍 謝一龍 翁文鳳 陳應之 黃應翁

五年壬辰廖仲光 鄭振甫 朱沂 王仲賢

端平二年乙未潘希夔 何茂才 楊仁吉 黃叔

度

嘉熙二年戊戌虞德厚 葉夢材 劉子實 廖舉

淳祐元年辛丑張助 翁以孫 吳勢卿 葉應雷

楊鰲 汪子木 一作本 李申 王榮

四年甲辰雷紹 陳子和 趙宗楹 一作盥 葉酉大

一作夫 吳夢龍 鄭祥老 周清父 雷子發

七年丁未丘富國

寶祐四年甲寅李鑰 練夢華 練一作陳 夙武伯 夏詵

仲說一
作銑黃夢履

開慶元年己未夙師清 張必先 陳元善 黃德

父尚有宏
詞科黃彥 章傑八行
科范達知 游安世此
四

名舊志不
載年貫

薦辟蔭補賢者雜見列傳中

有傳

李寅 子虛已
虛舟 曹脩古 子覲
弟脩睦 張式

章岵 何辟非 葉康直 黃晞 張伯玉

郭周孚 楊蟠 徐常 葉默 姚易

徐壽 雷覺民 謝燾 練幹譽 黃齋

丘之立 翁谷 范舜舉 子如圭
念德 如圭子 第如璋

熊適 鄭轂 第穀 吳棫 王以詠

朱懷英 葉薦 李之邵 江安止 袁樞

謝天民 林光 黃由庚 李大正 葉文炳

楊與立 李勳 王洪之 吳勢卿 丘富國

張諒 姜明 程夢桂 艾淑

李寅有清節入廬山脩學仕江南李氏至諸司使雍

熙初舉進士為衢州司理叅軍出倅南昌以母老棄

官歸子虛已虛舟

虛已字公受少從父寅修學廬山先寅登第調沈丘

尉遷殿中丞提舉淮南茶場官知遂州遂一作榮時太宗

勵精政事命選中外能吏給錢賜之與賜二十餘人

虛已為首因獻詩自陳父子遭遇榮及祖母太宗悅

賜五品服更賜其祖母錢五十萬本賜錢五十緡耳

遂誤作萬論者為虛已篤行家貧殆天賦也會遣使

察川陝吏復與薛顏邵擘查道等數人以能稱遷屯

田員外郎通判洪州召為侍御史出提點荆湖南路

刑獄徙淮南運副累遷兵部郎中以龍圖閣待制判

大理寺與查道等同備勸講久之乞外真宗稱其儒

雅循謹特遷右諫議大夫出知河中府召權御史中

丞進給事中知洪州遷工部侍郎徙池州求分司南

京卒虛已性夷曠事親孝喜為詩晏殊其壻相與唱

酬有雅正集二十卷行于世

虛舟字公濟以兄虛已蔭為郊社齋郎調閩清靖安

尉俱有能名遷餘干令毀淫祠建夫子廟坐事免後

授校書郎知德安縣不就晏殊為請於朝乃除太子

洗馬致仕終尚書虞部郎中與虛已皆孝友清慎克

世其家子寬尚書金部郎中史司農少卿有能名

曹修古字述之舉進士累遷監察御史上言四事辭

甚切至又奏唐貞觀中嘗下詔令致仕官班本品見

任上欲其知耻而勇退也此有年餘八十尚仕班行
心力既衰官事何補請下有司勅文武官年及七十
上書自言特與遷官致仕仍從貞觀舊制即宿德勳
賢自如故事因著為令一日偕三院御史十二人晨
朝將至朝堂黃門二人行馬不避呵者止之反為所
詬脩古奏御史尊則天子尊今黃門侮慢若此請付
所司劾治帝聞命立答之晏殊以笏擊人折齒脩古
奏其忿躁亡大臣體司天監王簿苗舜臣等嘗言土
宿留參太白晝見詔百官同考定及奏皆謂土宿留
參順不相犯太白晝見日未過午舜臣等遂以妻言

假罰修古奏言百官所定希旨悅上未足為
今罰舜臣等其事甚小然恐人人自此畏避取容以
災為福所損至大禁中以翡翠為服玩詔市於南越
脩古請罷之時頗崇建塔廟議營金閣脩古極陳其
不可久之出知歙州徙南劍州始建學館市田餼士
為諸郡倡政平訟理吏民畏服復為開封府判官歷
殿中侍御史刑部員外郎知雜司事同判吏部流內
銓未踰月會太后兄子劉從德死錄其姻戚至於廝
後幾八十人脩古與楊偕郭勸段少連交章論列太
后怒皆削一官以脩古為工部員外郎通判杭州未

行改知興化軍澹泊簡易循良爲閩中最會赦復官
遽卒于莆修古博學而文善議論內和外剛當太后
臨朝權倖用事人人顧望畏忌而修古獨遇事敢言
既歿士論惜之太后崩帝思修古特贈右諫議大夫
賜其家錢二十萬錄壻劉勳爲試將作監主簿修古
無子以兄子覲爲後第修睦

覲字仲賓以後修古授建州司戶叅軍皇祐中以太
子中舍知封州儂智高叛攻封封城中士卒纔百人
又無城隍可守或勸覲遁去覲正色叱之麾都監陳
擘引兵迎擊封川令率鄉丁寸手繼進賊數百倍擘

兵敗走鄉丁亦潰覲率從卒決戰不勝被執賊戒勿
殺粹使拜且誘之曰從我付汝兵柄妻汝女覲不拜
且大罵賊猶惜之徙置舟中覲不食者兩日探懷中
印授從卒使求間道以印上官賊知覲無降意遂加
害至死詎不絕投屍江中年三十五事聞贈太常少
卿錄其四子妻劉避賊歿於林峒追封彭城郡君加
賜冠帔又贈修古尚書工部侍郎修古妻潁川郡
修睦字公臣累知邵武縣遷殿中丞知鬱林州聞母
疾委州印於其佐北走歸道未至被喪哀瘠過禮服
除判泉越二州知邵武軍景祐中用薦爲御史改司

封出知壽州移泉州鑿湮塞渠田以復逋租坐舉者
奪司封去官後起知吉州上書休官不聽分司南京
既而歎曰不事事而受祿不可謂廉復申前請許之
章得象表其高節詔還所奪官居數年聲聞益達朝
廷以紫衣金魚就第褒之用聳動天下士大夫以重
進爲高脩睦休官時年五十餘第舍園池䟽列泉石
置書冊琴碁其中賓親過從或道時事輒謝曰吾方
與紙上聖賢語差樂勿溷吾聽范仲淹嘗贈以詩泉
南曹使君詩源萬里長復我百餘言疑登孔子堂聞
之金石音純純自官商

張式字景則先浦城人徙建安主閩縣簿又主將樂
有銀冶坐歲課不足繫者常數百人式籍其人使富
貧財力相兼課遂羨除祥符尉趙稹將并州辟軍事
判官稹所爲有不可徐啓諭弗忤稹以故聽而式亦
以此稱長者遭喪服除改著作佐郎知古田縣遷太
常博士知咸平呂許公罷相以許州觀察判官辟之
又通判饒州一言而決十數年不決之獄會擇河北
吏御史中丞舉式得洛州賜緋魚又選知濠壽二州人
市紬絹十餘萬非經數式拒弗市再知濠壽二州人
縊其妻以自殺告獄既具詰之立服召爲開封府推

官時宮中以私財爲佛寺置田䟽罷止之趙元昊反時誘人出私財助軍誘多者得賞於是吏或劫富人出財式並䟽罷坐拷掠囚死知岳州卒終尚書祠部郎中式廉靜好書所居官舉旣去人思見時事有不便徃徃能極言老不治田宅所得祿置書遺子孫章岵知蘇州湖海暴風民多漂溺請蠲租賑恤鉏治奸吏豪右懾畏詔書褒美

何辟非皇祐中宰遂昌興學立教大得政體

葉康直字景温知光化縣與穀城令豐稷同時人歌之曰葉光化豐穀城清如水平如衡曾布行新法以

爲司農屬歷永興秦鳳轉運判官徙陝西進提點刑獄轉運副使五路兵西征康直領涇原糧道承受內侍梁同以餉惡妄奏神宗怒械至將誅之王安禮力救得歸故官元祐初加直龍圖閣知秦州改知河中府復爲秦州夏人侵甘谷戒諸將設伏待殲其二酋寶進文閣待制陝西都運使以疾請知亳州通濬積民潦獲田數十萬畝召爲兵部侍郎卒

黃晞字景微年少時以有道稱閩中泉守陳靖福守陳絳爭延請之躬率諸生試聽講席晞學無不通尤潛心春秋周易其說以左氏凡例得聖人之微鄭康

成象數極天地之蘊學者校量攻擊莫能窮奧突也
嘗做論語法言著書十篇發明聖賢道義之隱微與
古今治理得失自題曰聱隅子欬歎瑣微論其解曰
聱隅者柝物之名欬歎者無歎之聲瑣微者迷之之
謂也又著揚庭新論十篇指陳當世之務景祐中年
四十矣始隨鄉貢至禮部又上五十策求應直言詔
科俱以後時不得與試嘆曰老大不偶豈能復從諸
少年塲屋間乎然欲閱天下義理觀未見書當居京
師遂做舍僻處而士子競造其門一時公卿大夫交
章論薦朝廷用丞相韓魏公言將以爲國子監直講
晞自謝于富丞相曰某豈任仕宦者邪必不可辭願
得七品閑官還南方足矣特詔授太學助教致仕嘉
祐二年無疾卒于儻舍囊無餘貲惟蓄書數萬卷閩
人蘇頌方仕於朝門人范遷張粵議請頌王其喪而
韓魏公亦遣使爲幹殯且奠以文以爲晞之道德不
用於朝引爲已過已晞子挈櫬載遺書返不能歸橐
殯于江都縣楊子寺後圃晞交游故人因共爲復土
就塋其地其未塋也川陸之經繇者識與不識皆過
其下咨嗟留連或爲歌詩哀辭或書名屋壁至于木
膚竹幹題記殆遍其無位而得民至誠而感物如此

江都宰羅適為作聲隅先生祠堂而請蘇頌記之
 張伯王第進士舉書判拔萃科嘉祐中為御史嘗攻
 宰相文彥博彥博不自安而去後出知太平府時曾
 鞏為司戶伯玉一日語之曰吾方作六經閣子為我
 記之鞏數呈稿終不合意乃自為之其首云六經閣
 者諸子百家皆在焉不書尊經也鞏歎服從此益勵
 終司封郎官有蓬萊詩二卷

郭周孚字仲先嘗遊蘇軾之門熙寧間調德清簿遷
 閩縣令聲譽籍甚周孚事母至孝居喪致毀廬墓郡
 守欲以八行薦力辭以朝散郎通判興國軍子擇仁

登第

楊蟠字公濟為密和二州推官以詩知名歐陽脩贈
 詩有卧讀楊蟠一千首乞渠秋月與春光之句元祐
 中蘇軾知杭州蟠為通判與軾倡酬居多後知溫壽
 二州卒有集二十卷

徐常字彥和父融文學該貫與陳襄為友常登第敷
 歷州縣所至有聲紹聖間除廣南西路提舉常平移
 福州轉運判官繼知吉州奸民猾胥畏如神明每慕
 二宋為人而與蘇氏兄弟游從甚久嘗有詩云事業
 要須師二宋文章端是學三蘇長蘇嘗稱其為天下



奇男子

葉默字彥思徽宗時知泗州會詔改宣梵院爲神霄宮默極論漢唐之主崇信方士廣建真館困民力於興作費財用于土木非闡教明道之意疏入謫郴州已復官卒贈通議大夫

姚易字夢錫兩任教官崇寧初以薦者召對除諸王宮教授逾年授開封推官滿秩除通判里人何述時爲府尹每遇休沐輒相與觴詠通夕而與葉常何去非相締尤厚唱酬甚多有佔畢集十卷

徐壽字君朋知秦寧縣會改鹽法州縣令民間計口買鹽民苦之壽不肯從願納袍笏邑人會祀之元祐中按察使張汝賢以狀聞特改京秩

雷覺民字將道其父將得官而卒祖悲念不已覺民乃杜門十餘年必繼父志第進士調漳浦尉有聲改湖州司錄太守給軍糧不時諸軍庭喧覺民造喻之曰郡實空乏吾今以經制錢代給設府公不吾聽吾當積月俸償之諸軍感謝退知南華縣丁母憂廬墓三年嘗倅鄉郡未老乞祠年九十五卒覺民嘗欲於官所嫁女買婢隨嫁旣知爲宦家女父歿買以歸喪惻然爲擇賢士輟女奩嫁之盜毀其妻墓上亭召盜

來與之米曰君饑餓故子光遠興化理椽光胄通判
廣州

謝燾字志遠少穎邁通貫經史授邵武推官岳飛趙
康聞其政美同日薦之改知光澤縣累知衡州

練幹譽字克家舉進士調邵武尉再任福州戶曹尚
書黃裳帥福無鉅細事悉委之薦為考城令時督辦

軍賦甚急而民力匱竭幹譽力為請命中官有私囑
者必置法除知濠州初與王黼有庠序之舊及黼當

國未嘗一造其門遂奉祠靖康初嚴陵有警經制翁
彥國檄幹譽收捕幹譽帥將士備禦城賴以全子秦

補通直郎以蕭稱仲子未見韋布
黃齊字思賢祖展父儼並登第而展尤有聞於慶曆

皇祐間齊歷起居舍人進中書兵部侍郎少有文藝
名後累官臺省每進對徽宗屢見稱獎二蔡柄用非

時不見於私第以顯謨閣待制知通州
丘之立字斯行紹興初知順昌廉明仁惠縣遭兵後

力撫摩之政先農業田荒者借種與牛寬其租限訟
息刑簡民日阜安

翁谷字子靜宣和三年權知崇安廉介善幹浙寇逾
閩境甚熾團結鄉兵立二寨控扼之時與黃琮陳麟



號閩部二循吏提刑俞向惡其不附已誣以他罪奏
貶循州道州人咸寃之靖康初臺評論列始獲昭雪
范舜舉字濟美調河南新安縣尉就除宿州教授爲
人夷易事親無違交友有信遇人無賢愚一待以誠
博聞強記歛然常不足子如圭

如圭字伯遠少從舅氏胡安國受春秋學鄉舉類試
皆第一廷對策極論人主正心立志之方力詆和議
宴安之失言甚壯切爲考官抑寘乙科授左從事郎
武安節度推官始至帥將斬人如圭白誤帥曰已署
如圭正色曰節下奈何重易一字輕數命耶帥矍然

從之居數月以憂去時虜騎已陷長沙湘中大亂如
圭崎嶇避地艱苦百罹而志業益修開口論議皆切
當世之務辟江東安撫司書寫機宜文字近臣交薦
召試除秘書省正字改宣義郎遷較書郎兼史館較
勘會秦檜力建和議虜使鼎來其詞悖傲不可聽從
如圭與同省十餘人合議并疏爭之既具草駭據引
却者衆如圭獨手書詆檜責其曲學倍師忘讐辱國
檜怒如圭卒與史官六人上所議草未幾虜歸河南
以嘗我檜方自以爲功如圭曰是亦安能久有顧今
日之義則有不可不爲者乃因輪對言兩京版圖旣

入則九廟八陵瞻望咫尺今朝修之使未遣何以仰
慰神靈下萃民志高宗泫然曰非卿不聞此言立命
遣使檜以如圭不先白已益怒之如圭亦以先墓久
寄荆門中更變亂乃謁告奉柩歸葬故鄉既卽以病
告差主管台州崇道觀前後三請杜門讀書不與人
事者十餘年尋起通判邵州又通判荆南府事荆南
戶口舊數十萬寇亂荒餘無復人迹朝廷爲蠲口賦
以安集之百未還一二而議者希檜意遽謂流庸浸
復可使稍輸什二而歲增之吏不能供顧無敢言至
是積逋二十餘萬緡他負亦數十萬戶部日下書責

債甚急曰不且有譴時檜晚節悖亂喜怒不可測爲
戶部者又其姻黨凶焰赫然帥孫汝翼懼欲賦民以
塞責如圭獨持之無何孫去言於後帥卽奏蠲焉檜
歿被命入對高宗猶記前議勞問久之如圭因進言
爲治以知人爲先知人以清心寡欲爲本語甚切至
又論東南不舉子之俗傷絕人理請舉漢胎養令以
全活之抑亦勾踐生聚報吳之意也高宗善其言時
陳文恭公知政事亦欲畱如圭朝著而同列有以檜
黨暴起秉事者忌如圭前輩不媚事已乃以直秘閣
提舉江西常平茶鹽公事出之辭行奏請舉籍荆淮

曠土畫爲丘井以修屯田放古助法酌今之宜章下
任事者笑爲迂寢不奏至江西論奏數事則皆一方
久遠利改利州提點刑獄公事復請祠時宗藩並建
儲位未立道路竊竊有異言如圭雖在遠外獨深憂
之故嘗剡至和嘉祐間名臣章奏合爲一書至是囊
封以獻高宗感其言語輔臣而歎之曰如圭可謂愛
君矣遂畱陳公決定大計卽日下詔進孝宗爲建王
因復起如圭知泉州旣至舉大體盡下情擇任丞史
蠲屬縣負課度其力而寬與爲期南外宗官寄治郡
中挾勢爲暴至奪賈胡浮海巨艦其人訴於州於市
船司三年不得直占役禁兵以百數復盜煮海利亂
產鹽法爲民病苦如圭皆以法義正之則大沮恨密
爲浸潤以去遂以中旨罷領祠如故僦居邵武門巷
蕭然士大夫益高仰之遠近學者多從質問如圭亦
孜孜朝夕爲引接卒年五十有九後兩年孝宗受內
禪而如圭已不及見世亦莫知如圭之嘗有言也久
之士大夫頗有見紹興日曆及陳公手記者然後乃
知如圭之忠子念德弟如璋

念德字伯崇受學朱門初簿廬陵不小其官遇事亡
所苟遂以幹敏聞就辟吉州從事廬陵民素嚚訟念

周書 卷之九十二 三
德致忠求情廉勤健干下惻惻伸干上於是小寃必
白奸無幸免因葺其問事之堂榜曰盡心大書噬嗑
卦於屏上闢堂後爲方丈以會文講學而朱文公爲
之記他日侍文公訪張南軒於長沙同登衡獄多所
倡和文公疾革囑其子在與念德黃幹修正禮書奉
奉勉學遷朝奉郎江東帥機宜仕終宜黃令

如璋字仲達令萬載行保伍甚整肅任滿絕盜後朱
文公托袁守張定叟求其法深嘆其不可及也

熊適字述之紹興初丞順昌與丘之立同時事事與
協濟縣當兵後政無不舉調建寧令歷台州臨江通
判爲人明敏而寬裕渾粹有長者之德未老掛冠胡
寅深器之

鄭轂字致遠父鎮任登仕郎以詞學振鄉評轂初就
學晝夜誦中庸不怠父戲之曰此篇句讀易讀邪轂
拱對曰竊意聖人之道在此書也旣冠入國學累舉
未第嘆曰昔之求道者尚友古人未及大賢之門其
可已乎遂走河南值二程已逝乃游謝良佐之門而
學焉重和元年以八行舉尋第進士調御史臺主簿
秘書郎出守臨江軍乞祠歸自號九思轂執父喪火
延喪室抱棺叩頭慟哭不去已而火熱柱至半止人

名止火柱第穀

穀字致剛授陸安府教授權信陽縣尉監南京酒稅
召爲御史臺主簿張邦昌僭號穀挺身見高宗濟州
既卽位擢監察御史再遷諫議大夫高宗至杭州穀
請察舉吳越賢俊之士簡任拔舉以濟時艱苗傅劉
正彥等逆亂擁兵行宮門外梟王淵首悉捕斬諸內
侍逼尊高宗爲睿聖皇帝請隆祐太后垂簾聽政而
立皇太子高宗繼宰臣朱勝非下樓諭之二凶猖辨
不伏穀廷立面折且謂逆賊凶醜熾甚非請外援無
可爲者乃上章待罪求去且欲見呂頤浩議興復計

太后降詔不允尋拜御史中丞時二凶竊威福肆殺
戮日至都堂侵紊機政穀言黃門宦者之設供掃除
而已與政事則貪暴無厭假兵權則慘毒無已故宦
官用事則生人受禍匹夫力不能勝則群起而攻之
是以靖康之初群起而攻之者庶民也睿聖皇帝南
渡駐蹕未安群起而攻者衆兵也今當痛革前弊選
擇其人曾經事任招權納寵者屏之遠方俾無浸淫
以激衆怒仍諭軍法便宜止行于所轄軍伍其餘當
聞之朝廷付之有司明正典刑所以昭尊君之禮全
臣子忠義之節也疏畱中不出穀請付外行之二凶

爲少戢又論黃潛善錢伯言呂源之罪詔竄削有差及聞名呂頤浩簽書樞密院事又以禮部尚書召張浚且分其兵浚不受命因謫浚郴州穀知出二凶奸謀其章乞留頤浩知金陵浚不當貶不報穀遂遣所親變姓名徒步如平江見浚等且言城中事以爲嚴設兵備大張聲勢持重緩進使賊自遁無驚動三官此爲上策因賦杜鵑詩令密示諸同署浚等聞之皆感激奮勵爲赴難計詔睿聖皇帝爲皇太弟天下兵馬大元帥幼主爲皇太姪穀與御史王庭秀上疏力爭太后召對諭曰今欲令睿聖皇帝總領兵馬爾穀

奏曰臣不知其他但人君位號豈容降改聞之天下孰不懷疑雖前世衰亂分裂之時固未有旬日之間易兩君一朝降兩朝位號者也太后遂令穀赴都堂商議穀至責問二凶且曰太尉若要做官家須是先殺了穀言甚激烈劉正彥起曰某等荷中丞教誨豈敢負國恩中丞誤見疑遂不降詔太后乃以穀與李邴並爲端明殿學士同簽書樞密院事力謀復辟二日高宗反正張浚等率勤王之師將至城下然城中兵柄皆在二凶之手穀恐變生不測因說之曰今日主上復辟皆出二公獨奮忠義功蓋一時但勤王諸

公未嘗委曲恐衆怒未息兩兵相向妄有殺戮今欲
暫除二太尉大使領重兵出外少避諸公入城具言
二太尉復辟之功使三軍曉然無疑然後大用未晚
也二凶許諾即日除苗傅江南制置大使正彥副使
領兵出城纔閉關張浚等兵已交鋒苗劉敗走高宗
卽除穀籩樞特封建安縣開國男食邑四百戶穀自
難作夙夜盡瘁至忘寢食凡輔政百日而卒高宗嘆
悼久之顧謂大臣曰朕喪元子猶能排遣於穀殆不
能釋也諡忠穆

吳棫字才老舉進士召試館職不就除太常丞忤時
宰出通判泉州剛直有謀明恕能斷悍卒謀亂一郡
洵洵才老命戮數人談笑定之所著有書禪傳詩補
音論語指掌考異續解楚辭釋音韻補又作字學補
韻朱文公謂近代訓釋之學惟才老及洪慶善爲優
遂據以叶三百篇之韻其所作韻補武夷徐藏爲之
序曰才老長鬚豐頰危冠大帶進止閒暇中和溫厚
之氣粹然見於色仁義道德之音藹然形於言藏從
所從造官識之退而嘆曰古所謂君子儒者非斯人
耶才老從容爲藏言擢第後數年不求官築室三間
中設夫子像古書陳前謝事凝神以味古訓常若游

問書 卷之九十三 四十三
洙泗間而稱遜聖賢前後也才老評論古人前後賢
否優劣率能探其蘊奧如與並時平生著書皆淵源
精確自補音書成然後三百篇始得爲詩從而考古
銘箴誦歌謠諺之類莫不字順音協其書初引證甚
博懼其繁重稍削去獨於最古者中古者近古者各
存三二行復有稍增損而才老沒矣

王以詠字永言調江陵府刑曹知含山縣方逆虜猖
獗酈瓊輩相繼叛逆兩淮蹂踐所至蕭條以詠拊摩
安靜爲兵帥劉錡所知大將岳飛尚書趙康直聞其
政美同日論薦改知光澤縣疏剔滯訟剖決如流稟

遷知衡州嘗誦昔人語曰治公家當如私家惜官物

當如已物終任未嘗妄費妄獻羨餘仕終朝散

大夫

朱懷英字晉老建炎初詔求文武才畧出倫之士有
司以懷英列上詔從幸揚州坐後至罷歸懷英上書
其略云楚懷王以五千里之地帶甲百萬不能報父
兄之辱臣嘗憤此願爲朝廷啣命折虜責之以義然
後大兵繼進臣雖不免酈生之烹亦足仰成陛下孝
弟之志時方議和不果用呂頤浩贈以詩曰建安之
山高倚天建溪之水直如絃建安人材更豪氣名與
山水爭流傳往年國步偶欹側上書欲得君王識更

欲携書見虜人但知議論忘誅斥滔滔天下皆如此
無人解作朱君語有語不用君何傷畱與人間作題
史

葉薦字宋穎舉進士調候官丞紹興中爲福建帥幕
汀寇作被檄招懷直造巢穴諭以禍福寇悉聽命調
羅源令築白柯塘以捍田所部寨官獲強盜餘二十
人在法當賞悉從輕釋之

李之邵建炎初爲新喻武尉隆祐太后幸虔州扈從
軍所過燔掠遂爲叛之邵拒之萬全里兵敗不屈賊
賊殺之賊會聞其將死之言誅其害之邵者邑人立
祠萬全慶元四年邑令孫洵表其墓

江安止字元靜靖康建炎間知麗水奸戢獄空案無
積牘盜發鄰郡預爲備皆遁去秩滿民詣闕請畱六
年去後以其餽贐不受者造摩剝支天象於廣福院
以報善政

袁樞字機仲祖勝之以信義聞建炎間張范二寇欲
屠其鄉勝之挺身往說遂引去樞幼力學嘗以修身
爲弓賦試國子監周必大劉珙皆期以遠器試禮部
詞賦第一人調温州判官教授興化軍乾道七年爲
禮部試官就除太學錄輪對三疏一論開言路以養

忠孝之氣二論規恢復當圖萬全三論士大夫多虛誕僥榮利張說自閤門以節鉞簽樞密樞方與學省同僚共論之上雖容納而色不怡樞退詣宰相虞允文示以奏疏且曰公不耻與噲等伍邪卽求外補出爲嚴州教授常喜誦司馬光資治通鑑苦其浩博乃區別而貫通之號通鑑紀事本末叅知政事龔茂良得其書以奏孝宗讀之嘉嘆以賜東宮及分賜江上諸帥令熟讀之他日孝宗問袁樞何官命與以寺監簿於是以太宗正簿召登對卽因史書以言曰臣竊聞陛下嘗讀通鑑屢有訓詞見諸葛亮論兩漢所以

興衰有小人不可不去之戒大哉聖言垂法萬世遂歷陳往事自漢武而下至唐文宗偏聽奸佞致于禍亂且曰固有詐僞似誠實儉佞似忠鯁者苟陛下日與圖事帷幄中進退天下士臣恐必爲朝廷累孝宗顧謂曰朕不至與此樞謝曰陛下及此天下福也遷太府丞時士大夫頗有爲黨與者樞奏人主有偏黨之心則臣下有朋黨之患比年或謂陛下寵任武士有厭薄儒生之心猜疑大臣親信左右內庭行廟堂之事近侍叅軍國之謀今雖總權綱專聽覽而或壅蔽聰明潛移威福願可否惟聽於國人毀譽不私於

左右孝宗方銳意北伐示天下以所向樞奏古之謀人國者必示之以弱苟陛下志復金讐臣願蓄威養銳勿示其形復陳用宰執臺諫之術時議者欲制宗室應舉鎖試之額限添差嶽祠減臣僚薦舉定文武任子嚴特奏之等展郊禋之歲緩科舉之期樞謂此皆近來從窄之論人君惟天是則不可行也遂抗疏勸孝宗推廣大以存國體兼國史院編修官分修國史章惇家以其同里宛轉請文飾其傳樞曰子厚爲相負國欺君吾爲史官寧負鄉人不可負天下後世時相趙雄總史事見之嘆曰無愧古良史權工部郎官累遷兼吏部郎官兩淮旱命兼視真揚廬和四郡歸陳兩淮形勢謂兩淮堅固則長江可守遷軍器少監除提舉江東常平茶鹽改知處州赴闕奏事樞之使准入對也嘗言朋黨相附則大臣之權重言路壅塞則人主之勢孤時宰不悅至是又言威權在下則主勢弱故大臣結臺諫以遏天下之公議今朋黨之舊尚在臺諫之官未正紀綱言路將復荆榛矣除吏部員外郎遷大理少卿通州民高氏以產業事下大理殿中侍御史冷世光納厚賂曲庇之樞直其事以聞人爲危之孝宗怒立罷世光以朝臣劾御史實自

樞始手詔權工部侍郎仍兼國子監祭酒因論大理
獄案請有予郡之命既而貶兩秩寢前旨光宗受禪
叙復元官提舉太平興國官知常德府寧宗卽位擢
右文殿修撰知江陵府江陵瀕大江歲壞於巨浸楚
故城楚觀在焉爲室廬徙民居之以備不虞種木數
萬爲捍蔽民德之尋爲臺臣劾罷提舉太平興國官
自是三奉祠力上請制人比之疏傳陶令開禧元年
卒樞臨民以治辦聞立朝則啓沃忠諫克盡乃職爲
世師表所著有易傳解義辯異童子問等書

謝天民字彥先紹興十年知仙遊縣有興學起廢之
功又置田積歲收爲異時修葺計天民雅有文藻所
著學田記樸贍有體

林光字子輝敏悟有文名歷韶循二州教授累知信
豐縣部使者上其政績卒于承議郎嘗著建安志二
十卷考究精確又著兵論迂論數十卷

黃由庚字道卿乾道中知南康猾胥奸民表裏夤緣
由庚正其詭俠破其囊橐田里晏然

李大正字正之乾道中尉遂昌去爲會稽令念遂民
不忘求知其邑事既至判滯案均賦稅淳熙中繇提
點知南安軍理賦稅計利害皆窮源剔末所蒞事判

陸書 卷之九十二 三
决如流毫髮快人心

葉文炳字晦叔舉進士調晉江簿遲次家居致書請益於朱文公及至官文公告以居官臨民之法時顏師魯爲守事多咨之决汀州境上豪民相讐敵帥張忠定選官撫諭衆皆憚行文炳獨請往旣至折之以理諸豪皆伏再攝獄攝舶拒絕苞苴不遷就公卿貴人請師魯以與徐誼陳傳良並舉于朝秩滿調劔浦令改閩縣丞未上服母喪旣闋調筠州錄叅前後兩太守寬嚴不同文炳眊其所偏資助之嘗言獄事至重當顧理是非不敢徇喜怒獄有巨援文炳爭守入

之守有所欲入文炳故緩其事待其自覺露旣前後守多媿以服邊事作調兵于州營卒憚行頗洶洶文炳諭以國家豢養厚恩使奮前戮力復白州優賞之皆聽命改秩知仙遊决累年滯訟出死獄增廩養士像故相葉正簡公于學富室有不便民者累政不能奪聞部使者窮治之差役久爲平民害勸立義役均產通差故例建工役責之僧刹文炳私毫無所專配每與同官語曰貪污自多欲尚侈始小官俸廩幾何百爾皆欲如意不受賂安從得清心寡欲正本澄源乃吾儒功用秩滿造朝會有旨許曾作縣人言事文

炳條便宜三事以獻通判和州將之官服父喪尋卒

楊與立字子權受業朱文公之門知遂昌縣因家蘭

谿學者宗之稱船山先生所輯有朱子語略二卷十卷

李宗思字伯諫教授蘄州專以古人為己之學人教

李勲知漳州建小學以教民真西山稱其著文章之

錄長政事之科

王洪之嘉定間知沙縣廉明不苛時稱能吏召拜大

理評事

吳勢卿字安道寶祐中知處州大旱行義倉法計口

勸分松陽盜起糾率民義剿除悉平尤留心學政口

講四書西銘以淑後生

丘富國字行可受學朱氏之門人為端陽簽判宋亡

不仕著周易輯解十卷經世補遺三卷易學說約五

篇發明朱氏宗旨

張諒字子京與弟貢學易於丘富國著經史事類并

書澤三十卷後賜秩翰林應奉文字

姜明知安福州安集逃移建理庶務人安政平稱聲

一時

程夢桂知建寧縣愛民重儒雅捐俸二十餘緡增新

邑學又為祠以祀先賢

艾淑字景孟早遊太學善畫龍與陳所翁同舍時稱
二妙仕海寧軍節度判官

元科第

延祐五年戊午進士雷機德潤子

泰定元年甲子進士張復

至順三年壬申浙江行省鄉試雷杭機第第
一人

元統元年癸酉進士雷杭

至正元年辛巳浙江行省鄉試雷燦機子

二年壬午鄉科雷拱機第

七年丁亥鄉科雷燧

十年庚寅鄉科雷枋 雷燦再舉

十五年乙未科李仲容 雷櫟

十九年巳亥科雷烜

二十二年壬寅鄉科雷燉 江敏德

二十三年癸卯進士雷燧

二十六年丙午進士雷埏

二十七年丁未浙江行省鄉試 楊恭叔第一人
傳見皇

朝蘇境 雷櫟 楊文叔恭叔弟
第三人 黃普保 宰獻

盧清 余哲 張伯仁 陳孟隆 鄒文慧中浙
江鄉

闈科試
無考

薦辟人才賢者雜見列傳中

有傳

張復 雷德潤

子機 拱 杭 機子燦

鄒天瑞 鄒文慧

張復字伯陽仕建寧路知事師事鄭儀孫學易得丘氏之傳嘗輯諸儒論議編性理遺書

雷德潤字志澤一名逢辰父龍濟見韋布德潤學邃于易旁通諸子及律曆術數舉明經除福州路教授積學庾之餘買田三百餘畝以給貧士婚喪老疾者號義士庄人為建祠學宮調長樂簿卒子機拱杭

機字子樞元詔行科目閩中擢第自機始授古田丞遷延平總管府知事沙縣民豐於財身沒子幼族有強暴欲據其業賄于上下訟久弗定機下廉吏鞫之竟白改邵武總管經歷邵長官西域人恃與憲部有連與守議稍不合遽引杖擊守守俛首遁機曰苟如此天子法安在獄有不平與庭辯不為屈調興化尹察豪大姓數家置之法其臨事燭見秋毫邑稱雷神已察知邑中賦役不均率吏民焚香祝天出矢言祝已令各實田隨高下為定每一鄉畢具揭姓名皆驩悅莆仙二縣與錄事司之民金來訴郡願得雷侯為



我定賦已則又驩悅丁內艱服闋轉湖廣儒學副提
舉月書季考具有成法擢延平總管府推官順昌尤
溪沙南平數縣疑獄株連累歲悉得解釋建義學延
鄉貢進士陳竑願教之羅天鱗及汀界上立堡柵集
丁壯盜不敢犯陞惠安尹究心學政以典禮讓之俗
三歲最諸邑代還民立祠樹碑鄉井幾遍除汀州總
管府推官築城開濠以實堡障申屠駟僉事閩部行
郡至汀稔知機賢悉委訟牒已不俟引年遽上休致
朝廷嘉其廉退陞翰林院待制階朝散大夫機軀幹
魁梧方面美髯居官尤盡心獄事夜叅半孤燈熒熒
繕閱成案不休日人命至重爲人嚴而不苟和而不
流所著文辭森嚴演迤有龍津龍山鄞川環中黃鶴
磯梅易齋碧玉環七稿子燧見 皇朝燦見
拱字君實興化縣尉以公廉正直稱壬辰歲因羅天
鱗亂委守海口卒于官

杭字彥舟與兄機拱以易鳴于時嘗著周易註解行
世時稱雷氏易授儒學提舉遷武平縣尹調潮陽以
處事贈奉化州知州官其子煜爲同知
燦字景星仕泉州路塗嶺巡簡閩中亂起兵助王師
歿贈上杭縣主簿祀學宮官其子墉

鄒天瑞字文祥任建寧路教授元季風化陵夷天瑞
 首唱文學諄諄以忠孝廉節開士士為振起
 鄒文慧字季和任司訓元末謝職服柴桑巾服講程
 朱學本郡理學推文慧為首

閩書卷之九十三

英舊志 縉紳

建寧府 建安縣二

皇朝科第

舉人 進士 子午卯酉是舉人 辰戌丑未是進士

洪武四年辛亥 按以上三科以庚戌鄉試辛亥延試者洪武即位之初科試未定至後十

七年始有定期 黃仁

十七年甲子李增 劉伯 謝瑤 鄭賜 俱府學

葉規 葉復 葉耀

十八年乙丑 葉復 葉耀 葉規 李增 鄭

賜

二十年丁卯張焜 王進 吳僧 陳閏 范益

俱府學 林鑰

二十六年癸酉黃勝黃一作葉 劉賢 葉文瞳俱府學

劉復

二十七年甲戌劉復

二十九年丙子程賜 謝悌 趙維文俱府學 李文

保 徐因

三十年丁丑程賜

建文元年己卯按建文元年號已經詔書仍舊今改洪武三十二年仍稱建文元年

楊子榮解元 雷填

二年庚辰楊子榮更名 雷填燧子

四年壬午江鐵 江貞 田忠 雷埒

永樂二年甲申進士舊志有洪武三十五年一榜故是歲革除故元年開科而二年

甲申會試 江貞 江鐵 田忠

三年乙酉鄭洙 謝泚 吳春 魏春俱府學 張珂

連智 葉濬 雷錚 閔富 江濟

四年丙戌吳春 謝泚 葉濬 張珂

六年戊子雷吉生第二人 鄒烜俱府學 謝泌 張琦

七年己丑雷吉生

九年辛卯陳原祐 葉瓛俱府學 楊禮應天中式 黃燧

十年壬辰陳原祐

十二年甲午朱泗 連均

十三年乙未連均 連智

十五年丁酉雷鏞府學 吳仕

十六年戊戌雷鏞

十八年庚子張疇 雷塏府學 魏琮 趙震 葉鉉

二十一年癸卯陳昇

宣德元年丙午龔錡

四年巳酉李蒲解元 未櫻

五年庚戌龔錡第二人

七年壬子朱奎府學 雷潛 楊文燁

十年乙卯陳順德

正統三年戊午劉福 楊琦

六年辛酉范光

七年壬戌劉福

九年甲子徐慶

十二年丁卯張敏 吳鑑

景泰元年庚午楊璋 謝樾 吳琮 連銳 謝瀛

四年癸酉龔沅錡子 謝文瑤 楊仕倬

七年丙子楊瑛解元 雷温 鄒員 袁朗

天順元年丁丑楊仕侗榮孫

三年巳卯楊仕倣榮孫 楊仕偉榮孫

四年庚辰楊瑛

六年壬午陳琦 雷鴻 吳真

成化元年乙酉江沂貞子 趙欽

二年丙戌江沂

五年巳丑龔沅

七年辛卯黃輔

十年甲午雷仕旃府學

十一年乙未楊仕偉 雷仕旃 陳祥

十三年丁酉楊晃更名亘 榮曾孫 葉忠俱府學

十六年庚子黃奎

十九年癸卯楊旦榮曾孫

弘治三年庚戌楊旦

五年壬子朱陞

八年乙卯楊易榮曾孫 滕霄

十一年戊子魏浚 楊昉榮曾孫 楊崇榮玄孫 倪域舊志

不載 縣貫

十四年辛酉楊邁榮玄孫

十五年壬戌滕霄

十七年甲子滕遠

十八年乙丑滕遠

正德二年丁卯雷士檀

三年戊辰楊易

十四年己卯朱鏐 陛下 楊京

嘉靖元年壬午黃封

十年辛卯楊應詔

十三年甲午楊堉 應天中式

十九年庚子楊承祥 楊肇 榮六世孫

二十二年癸卯楊世臣 雷金科

二十八年己酉謝丰 張存義 楊焜 林命

三十一年壬子楊棐 崇孫

三十二年癸丑楊棐 雷金科 張存義 林命

三十四年乙卯李仕 楊成名 陳烈 朱江

楊廷表

三十七年戊午謝璿 朱洛

四十年辛酉楊束 第四人

四十一年壬戌楊成名 陳烈

四十三年甲子雷用龍

隆慶元年丁卯楊可學 楊譽

萬曆四年丙子龔金 潘樞 楊廷猷 崇子

七年巳卯張應詔

十年壬午董敦吉 陳熠

十三年乙酉鄒希賢 吳夢斗

二十年壬辰鄒希賢

二十二年甲午方守正 楊百朋 承禎子

二十五年丁酉陳圭

二十八年庚子龔士遴

三十一年癸卯楊穩

三十四年丙午謝天性 第二人 李正芳 張素養

三十七年巳酉陳策 鄭朝彥

四十年壬子林邦棟 葛士謙 江士英 徐天

倪 第三人

四十一年癸丑張素養

四十三年乙卯黎應時

四十四年丙辰江士英

四十六年戊午林聞馨 第二人

薦辟人才貢士監生賢者見列傳中

有傳

黃仁

劉伯

雷燧

子璵

孫鴻

鴻子仕

仕檀從

張昌齡

蘇伯厚

第仲簡

鄭賜

楊榮

孫仕傲

仕偉

曾孫昂

亘旦

昉

易

昂子崇

六世孫

七世孫

族人成

徵

圭

楊壽夫

江貞

子沂

張崇

王銘

江鐵

田忠

吳春

張珂

鄒熙

從弟烜

雷吉生

謝善

楊禮

陳原祐

朱泗

朱挺

子燉

燉子陞

孫法

連均

雷燧

葉彬

方直

王英

從子銳附

龔錡

子沅

朱奎

雷潛

楊琦

劉福

楊瑛

黃潭

雷譚

白住

楊鏗

楊崧

吳昇

陳鈞

子漢

雷樂

倪文烜

魏浚

滕霄

謝丰

張存義

雷金科

林命

朱江

楊承禎

子百朋

林德卿

謝璿

葉廷溥

楊組

陳楠

子烈

雷用龍

楊致

雷成烈

朱東光

謝大經

林大豐

黃仁字淵靜其曾祖定宋末居六合為兵馬副都監與元戰敗走居處之龍泉峻都攻處復隨州兵戰亦

敗峻都擒定將殺之定女叩峻都馬求解峻都義之
釋其縛使從掠地閩中權授忠武校尉建寧路下千
戶命領兵擊沙縣定曰吾宋臣也不能死類泚矣奈
何加兵向之引疾固辭居甌越將終老焉仁溫純能
詞章少時朝出受易於部使陳孟然暮抵舍質疑其
仲父居德內外皆得師學日進如雲集水湧洪武辛
亥有司以仁名上福建行中書省試執棘闈主文衡
者爲前進士林以順吳尚志江唯志郭麟取捨甚嚴
及出榜選中三十人仁居第四年始弱齡耳明年會
試南宮銓曹急用材不俟再試擢奉常贊禮郎仁初

名文仁有司以犯周西伯謚加水其左曰汶仁及解
名中書右丞相汪廣洋曰仁義甚弘可冠以汶乎第
爲名仁仁受學宋文憲濂濂甚愛之爲作黃淵靜字
辭而仁仲父居德者亦奇男子年十六時中程試高
等諸老生不中譁于庭居德請而試譁者持筆不能
下面頸發赤出後改名保元爲豐都丞

劉伯字孟清少有意氣識趣超邁爲萬州學正甚有
才名而於人事應接之間多剛毅弗屈遂以事

免官

雷燧字景暘父機見元縉紳燧洪武中授翰林院編
脩無起居注屢被顧問奉命脩舜陵歿于官

子瑛

國書 卷之九十三
八
璵字原中舉進士授工科給事中糾劾無避永樂二
年奉命鎮守蘇松常三府撫綏兵民一歲中章四
十上繼奉命巡撫廣西搏擊豪強卒官澣衣半篋詩
文奏稿數帙而已于鴻

鴻字景儀歷瑞安海陽二學訓導莊謹繩潔教人無
大小咸有法度繇其道者率成端士

仕檀字季芳知安順州安順貴羈縻地仕檀稍以漢
法誘治之士酋韋公沙者素桀黠難馴皆俯首襲冠
帶受約束遣子弟入學有指揮縱奴殺人匿屍獄莫
能決仕檀求得置法有盜官錢事敗輒反噬制吏仕

檀引例坐之擢河南府同知賑饑捕蝗如不及以餘
力歛才訓兵遷吉府長史從弟仕梅

仕梅字元芳自戶部郎出爲浙江僉事陞廣西副使
浙江右叅政致仕尚書楊旦謂仕梅大節有三歷官
中外囊橐蕭然自處裕如也閉門掃却養高林下自
守凜如也方不入時正不諧俗自信確如也

張昌齡字有年博學善吟嘗從杜本蔣易遊甚有時
名洪武十一年薦至京陛見之日太史奏卿雲見
太祖大悅是日同舉者十有三人特旨俱除僉事不
避籍貫昌齡得福建按察司未幾致仕卒有詩集一

卷飯牛庵漫錄一卷

蘇伯厚名埤以字行父照見元韋布伯厚孝行見重
累薦不起洪武乙丑以明經授建寧訓導後學多所
造就陞晉府伴讀未赴永樂初預脩
太祖實錄遷翰林侍書復預脩永樂大典陞簡討兩典春闈
文衡進講東宮卒伯厚學本誠實議論皆有根據有
素履集子鑑永樂間以明經授中書舍人官至稽勳
郎中第仲簡
仲簡名境以字行善文辭與兄伯厚弟叔敬季雅自
相講授洪武初以明經薦授崇安學訓導

鄭賜字彥嘉舉進士授監察御史時天下初定法令
嚴肅郡邑吏坐罪逮繫者多既解戍命賜就龍江編
次其行伍時暑甚賜諭以
上恩慰撫之脫其

鉞械俾各就居止旦一詣視有疾病羸弱者捐祿米
饘粥之皆感悅湖廣布政司奏缺官賜秩滿遂與簡
討吳文僉出爲叅議二人同德協力剗弊去蠹清簡
寬直最爲知名下內艱服除改北平布政司左叅議
成祖在藩賜服事甚謹被眷愛而謀國者疑
之謫置安東屯未幾召爲工部尚書既命督軍務河
南拒靖難師
成祖卽位李景隆言賜罪亞齊

黃逮至

上問吾何如待汝遂相背耶賜曰亦

盡臣職耳

上咲釋之改刑部尚書復轉禮部

寵遇日隆後稍衰病不任官冗為侍郎趙玠所間益

惶悸周章

上心輕之頃之卒

上問翰

林臣曰賜不病遽歿自盡耶楊士奇對曰病矣惶悸

不敢就鑿藥昨在右順城門外立而仆臣命其屬掖

出之語未竟

上曰賜故君子才不贍耳其撰

文遣祭使工部與之棺翰林諸臣退

上獨召

士奇曰微漢言士奇之遂贈太子少師謚文安賜

小心恭慎易直和厚學士解縉嘗於

上前稱

其足為君子

楊榮本名子榮字勉仁任翰林編脩

成祖入

金川門與群臣迎見馬首曰殿下先謁

位乎

成祖啞然曰固當先謁

陵已與解縉

楊士奇胡廣黃淮胡儼金幼孜被選入文淵閣付之

密務兩制悉歸焉內閣典機務自子榮始也時靖難

之初朝政鞅掌百官奏事自旦及午閣臣造展前呈

文起草承顧問商機密率漏下十數刻始退子榮年

最少而最警敏通練一日寧夏虜報至

上召

七臣獨子榮在示子榮奏而曰爾後進也寧解此何

以禦之子榮對曰聞寧夏城堅士卒習戰度虜今退
勅守臣隄備可耳
上顏色頓回夜半報圍解

旦召曰何善料也因獨名榮
上時至閣中閱

七臣所治咸稱皆轉官榮陞脩撰
仁宗立爲

皇太子以侍講進右春坊右諭德兼侍講如故其秋

召對左順門喜榮敬慎賜象笏幘頭公服三品金織

紵絲衣疾命中官御鑿通夕守視時報病狀既愈入

謝
上喜命更休息旬餘五年命視邊甘肅還

奏稱
旨上手副瓜賜之自是以榮習邊凡三奉使

值父母喪並奪情
上三巡北京三征虜獨榮

與學士胡廣諭德金幼孜扈從八年從征虜使掌護

衛勇士三百不隸於諸將賜駕前先鋒銀牌還京請

終制賜金幣馳驛勅中官護行趣歸既至復榮家自

是兼命輔導
皇太孫是時中外祥瑞數見侍

臣數進詩歌賦頌每端午重九擊毬登高賦詩應制

上親第高下賜黃封寶楮榮數在左右賜賚

尤多十八年進文淵閣大學士兼翰林院學士階奉

政大夫北京營建規制多出榮至磚石灰礫之尤悉

志埋示後亾何三殿灾直入麾衛士遷御書圖籍翌

口
上喜賜銀酒鍾古銅噐鈔幣諸物始

上簡七臣爲親臣其後多坐輔監國得罪獨榮與廣
幼孜上內嚮之榮充警敏見親稱學士不名
榮於政體人情靡不諳練邊徼險易將帥勇懦盡周
知之付度事會動中機括衆論異同徐以片語折衷
其待人廓然無所疑碍推挽薦進及于遠方下士有
餽謝亦不之却人譏榮濫不知向人意盡不忍絕也

上晏駕榆木川榮密議秘不發喪液錫爲禪
具含歛益嚴軍若上生計於皇太子

衆疑所報或謂假他事作勅寶書榮曰皇太子
前孰敢稱勅莫若具啟人皆避之仁宗卽位

進嘉議大夫太常寺卿兼前職有間進太子少傅兼
謹身殿大學士階資善大夫尋勅賜繩愆糾謬之章
始大行計至仁宗哀亂不及詳問當時

事痛定乃知賜勅曰先帝崩殂六軍在外卿盡
忠謀鎮定果斷曩際荒悼報卿甚微加賜白金五十
兩綵幣十表裏寶鈔二萬貫白米二十石特陞工部
尚書前官如故三俸俱支卿當領服其冬勅護葬山
陵元年懇辭尚書俸仁宗曰先帝賓天朕違

膝下卿盡力綱維瞻奉几筵念之弗諼特予三俸夫
豈越踰遂進資善大夫太子少傅兼謹身殿大學士

贈及其祖考勅脩

太宗實錄命其摠裁

仁宗崩

宣宗卽位復命摠裁

仁宗實

錄益推心委任榮與楊士奇楊溥協恭輔政天下稱
為三楊士奇曰西楊溥曰南楊榮曰東楊而果斷之
才卒歸榮也 宣宗親征漢庶人棄交趾之議

皆自榮發之二年賜勅曰古君臣同心同德兩無嫌
猜所以明良相遇千載一時卿祇事我 皇祖

考忠誠一致今事朕知無不言言無不當特賜卿鍍
金銀刻圖書五顆曰方直剛正曰忠孝流芳著卿實

也曰關西後裔曰建安楊榮曰楊氏勉仁著卿族系
名字表而敬之也卿體朕意永永無斃 上數

賜榮圖書珍玩酒肴遇節序游幸賞翫君臣賡唱或
宴凱瑞應頗有撰述中外嘆一時同心同德之盛

上食鱠魚賜榮勅曰南京進鱠魚朕獻 宗廟薦
母后尚食方進股肱賢臣念同饗之特賞賜

卿侑以醇酒思古者君臣宴樂有嘉魚之詠複製一
詩見意食枸杞酒勅賜曰服此可延年益壽食石榴

復賜之而副之詩曰文詞淺近卿無吝攻正五年進
少傅仍兼二職階榮祿大夫三俸俱支榮辭大學士

俸允之有頃誥贈三代滿三載賜勅獎諭 宣

宗崩

英宗即位復護葬山陵復總裁實錄進

少師正統初天下休息榮有力焉五年請告展省命

馳歸中官護行趣還京北上卒武林驛上輟

朝一日誥贈特進光祿大夫國太師謚文敏勅

中官護喪榮不令其子為乞恩既卒特受

子恭尚寶司丞仲子讓俱見韋布孫士儼仕

儼曾孫昂且旦昉易玄崇六世孫肇七世孫棊

仕儼字敬甫舉鄉貢授中書舍人俄坐從子都指揮

畢所累調惠州衛經歷軍吏振肅戒無犯法郡守以

下有事皆就咨訪士子多執經從學擢桂陽州同知

仕儼性無他好獨嗜書見奇書輒重購之雖目青手

一卷不釋或從人假借下至僮僕亦善謄寫所與交

皆當世名人

仕偉字景奇成化中任兵部主事坐姪都指揮畢為

中官汪直捽縛考掠竟不能有加左遷台州府判未

上卒年四十一仕偉雖世宦不事驕奢刻苦力學年

位未稱人咸惜之

昂字孔顯弘治中以蔭知香山縣蒞政愷悌馳譽廉

能薦調順德致仕後子崇以粵僉憲至香山順德民

曰舊父母胤也爭先迎之

巨故名晃字恒叔有詩才任順天通判陞治中正德中引疾歸闢陶園居之以淵明自况鄭吏部善夫每淹留唱和尋起南戶部郎中再疏乞休進南太僕寺少卿致仕

旦字晉叔舉進士二甲第一授吏部驗封主事歷考功郎中兩司觀察黜陟允當倪文僖岳馬端肅文升甚重之端肅峻急難近旦時持正議嘗考察京職有被黜而夤緣奏辯奉旨再覈端肅倉卒欲改擬旦曰

祖宗來未有此例倖門一開後將謂何都御史戴恭簡珊函是之端肅亦悟竟覆罷陞太僕少卿

改太常乞恩歸省即還朝中官劉瑾欲要見不得遂以違限例出知溫州時瑾偵邏旁午州郡吏凜凜苦誅求旦獨鎮以靜大書上帝臨汝母二爾心于座右居二年陞浙江副使提督學政拔寧波余本於久屈之中本廷試及第竟為名卿瑾誅陞應天府丞進尹順天巨寇劉六等流劫近畿流民存食京師道殣相望作叢塚收塋之陞南禮部右侍郎攝國子監事

武宗在位十餘年

皇儲未建與九卿具

疏請擇宗室之賢者育于宮中尋轉左無太常寺事改戶侍奉勅總督京通等倉西寇回賊犯順其肅驛

騷廷議推文武大臣總制三邊奉勅督理糧餉開中
鹽課以其餘均給三邊及賞齎哈密有功人哈密人
推戴上恩誓不敢負尋陞都察院右都御史總督兩
廣軍務無巡撫時枉道禁嚴念母老疏請便展省免
之且賜蟒衣羊酒寶鏹既至肅紀綱飭武備省刑獄
汰苛濫番禺清遠河源等縣蘇崗十八山滴水岩青
龍岡帽子峰等寨徭徭負固稔惡所過大肆焚掠旦
調集官軍土兵命僉事王宗源都指揮董禎等分道
僉擊斬級萬一千有奇俘獲四千一百有奇奪回擄
掠男女二百三十有奇牛馬輜重不可勝紀璽書寶

獎無有錫賚宸濠之變南贛撫治都御史王文成守
仁移咨援兵旦卽委兵備僉事王大用朱昂都指揮
歐儒于大經整旅以行仍會總督總兵檄副使汪鏞
都指揮董禎達官都指揮馬英率驍勇五千繼之而
鏞意不欲前遂專委大用統領直薄南昌前後九咨
文成又咨巡撫湖廣都御史秦金選漢達兵三萬餘
將親率以往而宸濠已就擒矣田州府土官岑猛知
府岑濬族黨也弘治間濬亂猛降級指揮僉事因功
陞指揮同知寅緣奏辯覬復舊官會龍州知府趙源
亡嗣襲以姪相猛因黨其妹所立假子韋璋者賂京

還驛使詐傳 詔旨起兵遂襲破龍州逐相猛璋並
請托於旦猛圖以功贖罪璋圖奪龍州旦並執不可
當國者廣人也子弟素與叛人通而巡撫於本兵歲
當有厚餽旦並拒杜之內外交怒乃嗾巡按廣御史
誣劾旦吏部駁白不行未幾聞母訃奔歸嘉靖初起
掌南院尋陞南戶部尚書尋改南吏部尚書復改北
且疏力辭不允會桂文襄萼張文忠孚敬以 中旨
陞學士旦率部院疏論切至用是忤旨遂爲給事中
陳洸所誣劾下吏部議時左侍郎何孟春覆題亟辯
其誣竟有旨令致仕科道交章辯雪家居先後論劾
俱不報旦祇事三朝敷歷中外精心受事介節持官
早孤奉母至孝雖顯貴不衰月朔具衣冠率子姓拜
文敏公祠退立諸堂下訓以忠孝大義年七十一危
坐而逝

昉正德間知宣平縣恬靜明敏振興士類擢吉安府
判士民思之

易字乾叔舉進士歸養嫡母嫡母卒起授戶部主事
歷員外郎中嘉靖初與同官諍大禮廷杖陞湖廣右
叅議雲南按察副使博雅好古有嘉會詩稿石雲困
學集

崇字遜夫任刑部司務與同官諫

武廟南巡

廷杖改吏部陞祠祭員外出爲廣東按察僉事珠池內臣解某憚崇嚴明餽遺甚腆崇峻却之略無假借倉大使夏某誤入大辟庶情與釋免改官滇南以伯父年高不欲遠去乞休歸

肇字彥初博學工文初爲吏部司務上弭災四疏會有厄之者出補教職既任浙運判尋判潮陽擢臨江同知所著有雲松谷稿纂集文敏公年譜

棊字賓周父敦見韋布棊起家峽江令不能善事貴人浮沉中外久之乃爲肇慶守會廣中有羅旁之役

督府令高要市馬百令任之矣棊曰高州乃有善馬馬必三四十金高要安得金三四千而令市馬百乎卒減十之九縣人轉饒曰至山而罷棊曰至山萬一無護而以爲馘必此輩也戒至河反令士自負之力裁浮冗郡中乃省八千棊節用愛人尚畫十餘條未行而卒士民如喪考妣瞽者亦望府門而哭哀詞至千餘章喪歸奔送爲罷市子廷馘袁州知府世其家成名字志完授武進令爲政廉決以忤時解歸門閤雖高無豪華態嘯咏南楚有少虛山房詩集徵以歲貢任九江推官陞德慶知州毀淫祠建學撫

國書 卷之九十三 劉貴
綏猺獯以庶靜得其心

垚字守謙授清浦知縣仡仡以風力聞戢奸盜徵逋租不畏強禦尋被構降調承天教授陞荊州府判遼王以午節命駕出郭垚陳阻之王怒拘責跪殿三日夜會雷火擊殿得釋調韶州判致仕孝友睦族結社賦詩年八十三子延秀以例貢授南昌府知事遷寧國丞居官有清尚事父母至孝母歿廬墓三年

楊壽夫父文叔元末與兄恭叔舉浙江鄉試恭叔洪武年薦甌寧訓導改建安壽夫名松以字行通春秋孝友篤摯建文辛巳郡守芮麟薦授縣學訓導秩滿

諸生請留陞本學教諭歷二十餘年多所造就典考鄉試者五會試者二宣德中楊文貞輩交薦之陞翰林院編脩預脩
宣廟實錄陞脩撰正統中致仕

江貞字彥清永樂初授禮科給事中特立不附一日奏對
成祖見其頽面以爲被酒謫克吏踰年

上悟特除龍游知縣政務大體惠愛在民卒于官子沂

沂字本達少豪邁不羈以監察御史出按外藩綽著能譽陞四川副使守備松藩乞歸號虛舟老人有虛

張崇字存高永樂中以太學生授蕭山知縣時京師營建宮殿崇隨宜酬務上不失事下不勞民擢通判撫州轉處州所至仁恕愷悌清節著名

王銘知德安縣邑有虎患入禱城隍一夕雷擊虎於縣西之箬山隴重建文廟不費于民豈第樂易士民感德

江鐵字志堅舉進士預脩永樂大典擢監察御史累官廣東布政叅議浙江按察副使爲人小心恭謹而立朝則糾憲繩愆凜然正色至其家居復見恂恂

田忠字伯邑選翰林庶吉士預脩永樂大典慎密專勤書成拜繒楮之賜陞南兵部郎中

吳春知婺源縣摧豪猾清獄訟均徭役始至時民有逋租數年未輸從容勸率無幾悉辦事隙輒至學舍與諸生講說飛蝗入境引咎籲禱蝗悉赴水歿卒民思之

張珂字鳴玉初授行人薦陞贛州知府入覲稱職受名馬楮幣之賜坐累克吏薦除宗人府經歷改稽勲郎中練達老成陞浙江叅政致仕

鄒熙字孟輝沉默醇厚博極群書繇歲貢任德慶同

知寬綏莊蒞民安其政從弟烜

烜字允輝以舉人授御史時有奏江陰侯不法者奉命訊鞠盡得其情竟坐嚙左遷衛經歷終沔陽知州致仕

雷吉生字祐之為御史正色不阿累按江西湖廣山東所至風裁漢庶人將為不軌具以上聞不報後漢庶大誅以先言反狀得免連坐尚書卒慶用才幹得上意恣睢公卿間吉生露章劾之出為交阯

宣化知縣時蠻夷初附人心頑獷且畏吉生嚴明遂醜之後李慶敗方擬召用而吉生歿矣

謝善任監察御史以清苦聞

楊禮字尚文任稽勳主事陞南京文選郎中居官清苦

陳原祐嘉興通判治稱嚴辦

朱泗字文魯文公八世孫除壽州判官改徐州值歲饑白督運留京運以賑民民有被誣殺人者庶得真殺人者釋之言當道以黃幹蔡沉劉燾真德秀配文公祠為請於朝得行

挺字孟齡文公九世嫡孫醇朴謙謹動遵繩墨景泰壬申錄文公後得世襲翰林院五經博士子燉



燉字孔暉補翰林院博士直質好義謁選北上遇盜
橐罄家人拾得遺金燉庶知爲同舟胡智物異還之
胡後丞甌寧時時舉以告人同邑有喪于省城無所
歸者燉爲殯還焉子陞孫法

陞字元階爲大理司務每舉殺不辜寧失不經二語
爲同列勸守正時忤堂官轉戶部郎權比新關洗手
奉公人莫能污乞休歸服食儉約如未仕時

法字兆祖補翰林院五經博士孝事繼母友愛諸弟
醇謹謙和介然有守

連均字士平登進士授監察御史遷江西布政叅議
轉四川左叅政陞江西右布政使所至有能聲歷仕
垂四十年產業如舊

連智字景賢篤學謹行選翰林庶吉士除脩撰預脩
永樂大典及五經四書子鏞見韋布

雷鏗字有融初選翰林庶吉士預脩國史改監察御
史巡按雲南考察藩臬以下官員無少假貸奏戮內
臣採辦害政者十九人時守帥頗驕蹇不法每以厚
利啗巡歷者鏗分毫無所取守帥懼預遣人構之京
師及鏗復命以操南音出知蕪湖縣都御史顧佐特
薦于朝陞浙江按察僉事處州草寇葉宗留竊發設

計勦滅之勅巡視浙江福建海道許便宜行事未幾卒錄居官所至清謹既卒浙人作詩哀之有除却數函書籍外別無一物載歸舟之句

葉彬字允均父濬知鄱陽縣一日公出暴水壞廨垣彬祖母令人權撤板榜為蔽讐家發其事彬母聞法當論死欲以身代彬時年十歲即詣官首實祖母得收贖獄上都察院逮問拷掠一詞得旨宥免未幾父卒祖母亦故彬從母扶柩還家母躬紡織以給彬學彬學有成歷六安虞城二學教諭

方直永樂十六年繇國子生選知海寧縣忠信敏練

治聲翕然擢御史

王英知崇明縣徙建城郭創縣治百方經畫犁然就理從子銳亦以新城令補是邑審驗人戶分九等定賦役法選秀敏庠士講經課業天旱蠲生為文祭八蜡神即雨三日年為大有葉文莊公盛立石刻文記之

龔錡字台鼎一字良器博學善詩字書適勁授翰林編脩坐累失官正統戊辰沙尤盜起應募為大軍鄉導至高陽里為賊所害所著有蒙齋集子沉

沅字孔殷一字志澄弱冠知名舉進士授工部屯田

司主事督稅兩浙有清聲

朱奎景泰初教諭安遠作新學舍以學問迪士

雷潛字孔昭正統初授武選主事遷屯田郎中扈從北征歿于土木

楊琦字建玉初任陽春訓導改溫州坐落職所著有四書辨疑

劉福字崇善除監察御史歷四川按察僉事陝西按察副使河南按察使所至持憲嚴明陞浙江布政使朝議擬陞都御史以歲造不稱左遷陝西按察使卒官處家厚倫常篤恩義

楊瑛字希玉本浙江山人父敞任建安丞遂家焉資性明敏文氣英發舉進士選爲庶吉士曹欽之變入朝遇害贈翰林編脩

黃潭字孟廣繇歲貢任永新知縣居官廉慎劉文安定之贈之種蔬圖詩以美其廉

雷譚字彥器繇貢士授工部營繕司主事改戶部陝西司以勤敏稱

白住爲人孝友繇貢任漢中府判

楊鏗字文銳繇貢士授靈武知縣事兄銑友愛情切自少至老手不釋卷建安人士多出其門

楊崧字夢岳繇貢士授廣州府學訓導改香山爲人
謹厚士樂與之

吳昇繇歲貢任楚府審理正進階賜五品服博學能
文

陳鈞字熙載以歲貢爲曲江訓導加意訓士捐俸資
貧居二年謝歸居家孝事二親因母疾精醫留心濟
人貧病來者施以藥餌兼資米粥有以急告輒脫身
上衣賙之出見笱魚籠鳥市而縱焉除夕立門首有
索負者代之償收田租必小其量人稱德善子漢

漢字章甫父年八十餘定省不懈父行執杖隨之父
好施樂助濟人後以歲貢授建德訓導縣尹欲劬鼓
樓諸生慮妨學宮漢力引諸生止之尹不從慨然曰
吾父老矣遂棄歸

雷樂字韶可廣州府學訓導雅好古禮士遵其教
倪文烜字顯道弘治間以監生任蘇州通判陞本府
同知居官廉勤六年考績稱最

魏浚字啓源授寧國同知有治才嘗平反南陵生員
張真抵死獄真後登顯仕

滕霄字子冲選翰林庶吉士授編脩轉脩撰預脩國
史進講經筵陞司經局洗馬清慎敦厚爲文純正典

雅一時翰學咸推重之

謝丰字文度任信宜令有詩名與王世貞吳國倫諸公游

張存義字宜甫授番禺令有聲以刑部郎出知惠州時盜賊充斥水旱不時道殣相望捐俸及罰鍰市棺置亭中令亭長視之戒曰有求即施毋得留難月課諸生親評文義庫失金忽有神降索而得盜人謂誠感擢塩運使以疾乞歸囊金不滿百悉出以買祭田周族黨

雷金科字公憲歷禮部郎中不附分宜相左遷塩官尋擢寧波知府繕城堡習技擊稽伍符暇課藝膠序士民尸祝于慈湖書院

林命字子順令溧陽金壇有聲擢諫垣首疏議革冗官復條閩中致寇六事得借留都積帑及閩中屯塩之賦肆拾萬餘以克軍餉出叅楚藩晉廣東廉訪尋有忌者左遷金華推官量移南部遂解組歸命提身高潔居常撮集古人嘉言懿行爲正氣傳自警歷官十餘年一稟清白而憂國公忠議論封駁不以詞色假人遇公正輒發憤所著有正氣錄十卷春秋訂疑十二卷陽溪堂集十六卷

朱江字兆民授石城令軫卹流移大著清節

楊承禎字世興博學善古文詞以貢士司訓興化加
意造士擢北流縣縣故有小河稅璫欲增之力爭不
可且阻其委官之擾有狼狽常以調用爲苦承禎靜
鎮之得其歡心竟以不能脂韋拂衣歸承禎四歲喪
父事母至孝加意祖廟墳墓調窮睦族友誼甚篤有
子服官每遺書戒之曰貧不能自存便是好消息真
義訓也子百朋

百朋字元重孝友醇厚令合浦中貴人權採開珠視
守令蔑如百朋據禮不爲屈以卓異擢戶部郎管理
淮閩裁罷日供羨輸縣官守吉安益勵清操丁外艱
服未除卒

林德卿字懋官父釗見閭巷德卿繇歲貢訓導登州
擢令博興奉父戒以親民爲主邵陵王索賦憲德卿
條陳不可狀王怒繫逮之里老力爲請命王稱德卿
鉄頭閩子又條陳減博興清軍數御史大異之爲疏
請尋以父老致仕監司宋公嘗與德卿同官知其廉
贈之金百謝曰吾寧前夷後跖年八十五卒

謝璿字天儀父勲見閭巷璿善詩賦工古文詞初授
懷寧諭補教上虞陞石城令適海寇猖獗司道檄往

率兵抵境賊望風遁尋殲其渠魁歲旱雩祀齋宿露
禱三日遠近沾足秋穫瑞谷一本九莖縉紳作歌紀
之石城建生祠鑄善政四十餘條置縣治左

葉廷溥繇歲貢任太平訓導陞教新添衛學孝友輕
功名爲李肅愍所器致仕歸

楊組字公佩繇歲貢歷台州教授擢潯州推官尋致
仕性醇行樸事繼母畜異第以孝友聞歷宦蕭然好
行其德

陳楠剛直戒持繇歲貢歷任九江教授所至訓士先
禮義貧者卻其贄未室者捐俸爲娶妻子烈守處州
貽以真文忠心政二經曰良二千石規也

烈字思紹起家紹興府推官勢家陷人于辟獄具烈
爲平反時有以墨敗者覈賂遺籍獨亡烈名直指薦
第一擢監察御史疏奏中貴人又抗論執政尋出守
處州甃堤濬堰均田平賦擢廣東監軍副使督諸軍
擒斬惠潮劇盜藍一清朱良寶等巢穴悉平念親老
乞歸

雷用龍字君用令漢陽廉敏愷悌有惠愛聲擢南通
知州卒于官

楊致以歲貢除河源知縣內事拊循外嚴備禦尊重

鄉飲鄉約以教民化俗有藩大吏夜出一紙索饋遺竟無所應河源文物寥然致物色二人僉登科第雷成烈以歲貢任寶應訓導宜黃教諭孝友敦行懷古人之志外泯庶隅而內嚴介守

朱東光字元臆祖炆父植俱見韋布東光初授平陽令補任祁門以卓異選授戶科給事中出爲僉事備兵潁州用治河功加陞二級爲廣東副使征海蠻有功入奏給賞行勘爲有力者所忌奉母家居十餘載起補廣西叅議征徭獯有功陞俸一級歷廣東叅政復以倭功陞俸一級秩滿請老歸

謝大經以歲貢任福州府學訓導聞親喪奔歸殯葬以禮服闋杜門不出

林大豐字以大隆慶間繇恩貢授長寧令再補乳源遷河南判所在清勤著聲

Blank manuscript grid area

大綱... 以...

四不出

日...

寬政戊午

Blank manuscript page

